

四  
書  
湖  
南  
講

論語湖南講 三卷

錢塘葛寅亮

仁和柴世基 錄測

錢塘曹觀文 錄演

錢塘孟師尹 錄商

先進第十一

子曰先進於禮樂野人也後進於禮樂君子也如用之則吾從先進

測進者興起之謂先進後進畢竟何指觀表記內子曰虞夏之質殷周之文至矣虞夏之文不勝其質殷周之質不勝其文又

曰後世雖有作者。虞帝弗可及也已矣。以此推之。則此之禮樂。乃統論前代。而以虞夏爲先進。周初爲後進也。不明言何時。而以先進後進晦其詞。或者不欲指斥當代耳。質勝文則野。故以先進爲野人。文質彬彬。然後君子。故以後進爲君子。蓋此亦周初郁郁之文。而非末世也。從先進是從虞夏。想夫子生當周末。見郁郁之流。獎利而巧。文而不慚。賊而蔽。故欲以質挽文。而動先進之想。平日雖說從周。至論爲邦。則韶舞夏時。斟酌四代。原不專主於周。如用之者。用乃操禮樂之權。而以整齊天下。如則心欲然。而未敢以爲必然也。然所從既在先進。乃反以野人目先進。以君子稱後進。抑揚其詞。正與平日寧儉寧固語意相類。

採柴世挺解

〔演〕天子說。從古到今。禮樂日漸繁多。前而興起的禮樂。乃是質朴的野人也。後面興起的禮樂。乃是文彩的君子也。設或得用禮樂去整治天下。我只依從那前面興起的。畢竟古人做的好。〔商〕郭凝之間。禮樂不可斯須去身。若以如用爲操制作之權。則目前可以不用禮樂乎。答曰。正謂禮樂不可斯須去身。如何下得個如字。謂之如用。必指乘權制作。有待而爲者。若吾身則自有常用的禮樂。不在此論。

子曰。從我於陳蔡者。皆不及門也。德行顏淵。閔子騫。冉伯牛。仲弓。言語宰我。子貢。政事冉有。季路。文學子游子夏。

淵夫子在陳絕糧。雖境當患難。然一時從遊。俱是濟濟英賢。眼前名教之樂。實足自適。及到平居無事。正好從容講求。乃皆不在門。故不免追思興感。不及門。或歸或仕或歿。皆不可知。德行是所學有得。而實見諸行。言語是說得事理明暢。鑿鑿不磨。政事是區畫有方。民得其理。文學是博古通今。有文采學問。其實長文學者。未必不能政事。長言語者。未必不兼德行。但據所長處。定爲一科耳。

演夫子說從我在陳蔡的。患難中彼此相依。儘好消遣。如今安樂。倒都不在門牆了。記者因記當時相從。如德行做得切實的。有顏淵。閔子騫。冉伯牛。仲弓。如言語說得通達的。有宰我。子貢。

如政事會得治國的。有冉有。季路。如文學會得博古的。有子游。子夏。

商未濟之間。一說謂聖人重道而不重情。其思從我者。還是爲諸賢各有所造。非不忘相從於患難之故。答曰。事事俱要說到道上。豈聖人獨無情乎。卽謂諸賢各有所造。在患難中。固亦樂事。但撫今追昔。感愴豈得盡無。

子曰。回也非助我者也。於吾言無所不說。

淵助我亦是實話。聖人之心寂然不動。感而遂通。胸中雖蘊許多道理。若是無人辯駁。正如洪鍾不叩。則不鳴。惟多一番問難。便多一番辯析。光景愈新。顏子說去無不快活。並不見有詰問。

夫子亦便寂然無所觸發矣。夫子每讚顏子。若如愚不惑之類。俱不一句直說。用抑揚語頓跌出來。蓋因一語稱讚不盡。故曲爲形容若此。

演夫子說人若有疑難來辯。我方得他觸動。有所助益。若回這個人不是助益我的也。於我的說話再沒有不喜悅。那得他觸動我。

商

子曰孝哉閔子騫。人不間於其父母。昆弟之言。

○那疏曰。昆兄也。韓詩外傳閔子

早喪。母父再娶。生二子。繼母偏以虐待。長子騫父愛之。欲逐其妻。子騫曰。母在一子單。母去三子寒。母得免逐。其母獨之。待之均平。遂成慈母。

淵閔子母在一子單母去三子寒之語。何等悽婉。千古下讀之。幾欲墮淚。況當時父母昆弟。寧不感動。所以俱稱他孝。然必說人不問者。父母昆弟。或有成心愛。則溢美。憎則溢惡。外人反無成心。故以外人合之。父母昆弟。乃見其孝。

〔演〕夫子說孝哉。是閔子。審這個人。父母昆弟。稱他孝。外人都信。他不間隔。那父母昆弟的言語。

〔商〕王道規問。閔子遭家庭之變。未必有溢美。還只在憎一邊。答。愛憎兩意。寬說。閔子自該在內。單指憎則太覺發露。恐非夫。

氣

孔子以其兄之子妻之。

○詩經抑之五章曰。賢爾。人民謹爾。侯。淩用。戒不虞。



慎謂世話敬爾威儀無不柔嘉白圭之玷尚可磨也斯言之玷不可磨也其六曰無易由言無曰苟矣莫謂朕言不可逝矣無言不從無德不報然於朋友庶民小子子孫繩繩萬民靡不承

則白圭之詩意在謹言夫子極不喜人說虛話故平日謹言之  
或惓惓而以此深取南容遂以兄子妻之

商

季康子問弟子孰為好學孔子對曰有顏回者好學不幸短命死矣今也則亡

○朱註曰哀公康子問同而對有言畧

顏淵死顏路請子之車以爲之槨子曰才不才亦各言其子也鯉也死有棺而無槨吾不徒行以爲之槨以吾從大夫之後不可徒行也

○何註曰路淵父也鯉孔子之子

上卷

測才不才等語。不是夫子本意。若本意則謂顏子家貧。只宜無  
椁。卽夫子可以徒行。亦不當賣車以爲椁。假使顏子該有椁。夫  
子固無餘財。而諸弟子有朋友通財之義。豈不能曲爲一處。只  
因顏路以愛子之請來。夫子不忍據理直拒。亦以情慰之。謂我  
當初待子。只是這等。則今日顏路之不能爲子具椁。亦可稍慰  
於心矣。徒行謂步行也。

〔演〕顏淵死。顏路請賣了夫子的車。做他兒子的椁。夫子說。人有  
才的。有不才的。自做父的看來。亦都道是他的兒子也。當初鯉  
也死。只有棺。而沒有椁。我不賣了車。步行以爲他的椁。這是怎  
麼。以我會出仕。隨從大夫後。不該得徒步行走也。

商

顏淵死子曰噫天喪予天喪予

淵夫子何以云喪予蓋夫子抱道於身身有盡而道欲傳傳道處卽其身也然這個不是口說得與人的必在那人自去證悟方能承受以此求之千百人中亦無一二幸有一個顏子夫子將以堯舜來相傳道脉一肩付他身上自此燈燈相續正未有已忽然早死叫夫子有口對誰言有心事對誰托今人老年獨子一旦喪去只爲家事没人承當老骨頭没人收拾尚且痛苦欲絕況此傳法之嗣千古道脉絕續所關教夫子如何不痛苦之極故直以爲天喪予噫者初聞訃而驚痛之聲

演顏淵死。夫子驚嘆說。噫。顏淵死了。敎我身上事。托付與那個。是天喪棄了我。是天喪棄了我。

商

顏淵死。子哭之慟。從者曰。子慟矣。曰。有慟乎。非夫人之爲慟而誰爲。

淵

演顏淵死。夫子哭他至哀慟。從者說。夫子哀慟了。夫子還不自覺得說。果有哀慟乎。不爲這個人哀慟。却爲那一個。

商

顏淵死。門人欲厚葬之。子曰。不可。門人厚葬之。子曰。四也。視子猶

父也。予不得視猶子也。非我也。夫二三子也。

淵

顏淵死。門人要厚葬他。夫子爲他家貧。說不可厚葬。門人不依。夫子畢竟厚葬了。夫子說。回日常問視我。就如父一般。今他葬與鯉不同。我不得視他如子一般。這不是我。乃是二三子的緣故。

商

季路問事鬼神。子曰。未能事人。焉能事鬼。敢問死。曰。未知生。焉知死。

淵問事鬼神。是問奉事鬼神的方法。不是論鬼神之理。人與鬼

神原只一個人。人是活的。鬼是死的人。事人如父兄君長之類。有聲音可接。有笑貌可親。有情欲嗜好。可將順。有心思想慮。可體貼。我能感通得來。方於那已死的。能思其笑語。思其居處。洋洋如在。無不感通。這事鬼別無方法。只能事人。便是未能事人。焉能事鬼。問死是問死去的情狀。生死亦不是兩個。生從死處來。死從生處去。人在生眼。怎麼能看耳。怎麼能聽。鼻怎麼能嗅。口怎麼能言。心怎麼能思想。這裡面甚是古怪。定有個生活的東西在。若止將耳目口鼻與方寸肉團。一切形氣之類。認作是生。一朝死到。謂何俱各蠢然。且這一種生活的。又向那裡去。今人昏昏懂懂。過了日子。誰識得這生活的東西。若識得時。纔是

知生死去爲有爲無。爲升爲沉。不須更問。自了了分明矣。未能知生焉能知死。事鬼神與知死。是天地間極玄遠道理。若遽將此發揮。終是捕風捉影。人怎能曉得。又怎能信得。今只把一例的事人知生來說。正如晝明夜晦。要知夜。但觀晝。便把極幽深的道理。翻來只在眼前。然事人知生。亦不容易。學者更須參尋始得。

演李路問奉事鬼神。夫子說。你未曾會得事人的方法。怎會得事鬼的方法。且還去理會事人着。又說。敢問死。夫子說。你未曾曉得生的情狀。怎曉得死的情狀。且還去理會生的着。

商吳應旻問耳能聽。目能視。鼻能臭。心能思。此中古怪有個活

物在畢竟活物是何物答曰此個活物還須自己心裏去尋討如何口說得與你若我以妄言之子以妄聽之則向講中磨是神章已道其畧矣

傳習錄蕭惠問死生之道先生曰知晝夜即知死生問晝夜之道曰知晝則知夜曰晝亦有所不知乎先生曰汝能知晝乎惜惜而與蠢蠢而食行不著習不察終日昏昏只是夢晝惟息有養瞬有存此心惺惺常明天理無一息間斷纔是能知晝這便是天德便是通乎晝夜之道而知更有甚麼死生

閔子侍側閔閔如也子路行行如也冉有子貢侃侃如也子樂若由也不得其死然

○測閔閔以和而帶剛侃侃以剛而帶和行行則純是剛氣更無和處矣三者氣象閔閔侃侃俱近中行而剛亦有擔當皆是任



道之器。故子樂就這樂時。覺得子路過剛有不得其死的模樣。復以爲嘆。然者。或然之詞。初不料言之果中也。

商

魯人爲長府。閔子騫曰。仍舊貫如之何。何必改作。子曰。夫人不言。言必有中。

〔洵〕府。是藏貨財的。長。乃其名。以緝穿錢爲貫。據此。則爲長府。乃是因改錢法。而併更置其屋宇也。如之何。是婉與相商。何必改作。是斷其該止。言必有中者。有常於國計也。

〔洵〕魯人要改造那藏貨財的長府。閔子騫說。便依仍着舊時的錢貫。如之何。也使得麼。何必又費這一番事。要去改作。夫子聞

得了說。這個人不說話。便罷說將來。定有個中竅處。

商

子曰由之瑟。奚爲於丘之門。門人不敬子路。子曰由也升堂矣。未

入於室也。

宋語子路鼓瑟。必孔子問之。謂冉有曰。先王之制音也。奏中聲以爲節。流人於南不歸於北。南者生育之鄉。北者殺伐之域。昔舜造南風之聲。具典也。勅焉。封焉。此聲之聲。其聲也。忽焉。由也。無意先王之制。而習夫亡國之聲。豈能保七尺之身哉。冉有以告子路。子路自悔不食以至骨立。子曰。過而能改。其進矣乎。

〔測〕聖門所尚者中和。子路鼓瑟。有北部殺伐之聲。故斥之。欲其

知改。升堂未入室。是致廣大而未盡精微。還是稱許意居多。

〔演〕夫子說。這聲音是由的瑟與丘不相像。怎麼鼓向丘的門牆。

門人因此就不敬子路。夫子說。由的造詣已到了高廣的堂了。

只未入那精奧的室。不是容易到得的。

商

子貢問師與商也孰賢。子曰師也過。商也不及。曰然則師愈。與子  
曰過猶不及。

測子貢平日善問。徃徃借人相形。討出一種道理。他見門弟子  
中師商人品最爲各別。故舉以爲問。看夫子許在那一邊。及得  
過不及之論。心下非不明白。故意又把師愈語問一句。勘出過  
猶不及。而道貴於中。了然在言外矣。總來只一中字。而子貢只  
在兩頭盤詰。生發議論。真善於起予者。

演子貢問師與商。那個好些。夫子說師也做得過。商也做得不

及子貢說這樣却是師勝了。夫子說過也就像不及都不恰好。總只一般。

商湯自新問子貢是方人的自家亦在過一邊。定道過的人比不及還高故一得夫子師商之論便緊接師愈句。答曰子貢與顏子較則知二又明處不及矣。安得定他是過一邊人。

季氏富於周公而求也爲之聚斂而附益之子曰非吾徒也小子鳴鼓而攻之可也。

測周公爲魯開國之君富有一國分所宜然季氏乃魯大夫何得富於周公此皆魯當時公家富稅大半歸其私室正當在所損者矧可爲附益乎附益想必因田賦一事季氏以田賦使冉

有訪於夫子。後不從夫子之言。卒用田賦。冉有既不諫止。又不引去。自不得不爲用事。歛之於民。非吾徒二句。是深絕之詞。正不屑之教誨也。

濟季氏是魯大夫。他富過魯先君的周公。是這等過分。求也還爲他聚歛百姓去附益他。夫子說這等人。不是我的徒類。小子們大家打鼓趕他出去纔好。

商

柴也愚。參也魯。師也辟。由也喭。○何諺曰。柴弟子高柴字子羔。○廣韻。魯鈍也。辟除也。屏也。又與聞同。聲粗俗也。又諺亦作喭。俗言也。

測。愚者愚昧不聰明。魯者遲鈍不敏捷。辟。訓屏除。與關同。是要

體面濶大。施設開去。嘖訓粗俗。亦作諺。乃俗而無文采者。這皆是四子受病處。夫子爲他指點。正如醫者治病。必各各言其所患。何病。使人好川對治方法。後來惟曾子一呼輒唯。最爲敏捷。正以其能克去此魯耳。此必夫子平時零碎議論。門人彙記於此。故不用子曰字冠首。

商。柴世基問。魯字與愚辟嘖等字。竝說。畢竟是不好字面。程子謂參也。竟以魯得之。此言何故。答曰。若論參。唯一貫時。何等敏捷。功深力到之後。復安得以魯言。惟起初原是魯的。後來能變得轉。纔見學力之到。若謂得道。反歸於魯。則魯原是好的。曾子亦生成是個曾子矣。何貴於學。柴世筵曰。以參之魯。齊于回之

敏。曾子用功當過於顏子矣。夫子論好學。獨許顏子。而不及曾子。何也。曰。顏子曾子學問。似覺有異。觀顏子一日克己復禮。是直從本體用功。後來如濂溪陽明。近似此派。曾子一日三省。乃逐事簡點工夫。後來如晦菴敬軒。近似此派。蓋逐事簡點。與本體用功者。終有直捷紆迴之別。夫子的好學。原只要歸向本體上。故惟顏子爲直接其脉。而下此則稍費周折。雖自用功勤苦。要或不能如顏子之速。竹夫子也。

子曰。問也。其底乎。屢空。賜不受命而貨殖焉。億則屢中。

淵底乎。謂底幾相近也。所近者何物。聖門惟有求道一事。不必明言而自可知。屢空。正是底。子處在心體上看。觀他無伐善。無

施勞是能空善勞。若無若虛。犯而不校。是能空人我。一日克己復禮。天下歸仁。是能空己私。但在聖人絕四。更無起滅。如太空然。顏子三月不進。畧有起滅。故云屢空耳。屢空不與貨殖對。乃與屢中對。貨殖者。於貨財未免生殖。此本非學者所宜。然他心中若有億度。却時常多中。乃是聰明的人。見道不難。則字語氣甚緊。因上句貶他。而以此亟稱之。蓋夫子平時所注意者。止一顏子。卽一貫之參。猶不敢方。乃獨將賜與回。每每竝較。是豈故欲貶賜。正以可造回者。唯一賜。故深有意於其人。而爲之相形激發耳。

〔演〕夫子說回也。其殆底幾。差不多。了他心下。能得時常空虛。不



爲物累。若賜則不順受天命。還把貨財生殖焉。然有所猜度。却時常會中。是這等聰明。怎可將來錯用。

商孟師尹問空字考之五經四書。曾未見有贊心體者。卽論語有空空如也。又是指鄙夫乃不好字而似屢空。只仍舊安貧之說較妥。答曰空字從心體上看其說有三。一則證之本文。屢空原與屢中相對。而貨殖是帶過的話。不與屢空對。屢中旣指心。則屢空亦必指心矣。一則顏子生平如無善勢等大槩已造於空。而安貧特其一節。卽有賢哉之語。乃借人憂以剔出其樂。亦是狀其心體。而非特贊安貧也。一則考字義。空乃活套字。凡虛無者俱可言空。若作處貧。屢空二字太新拙。在四書內亦無此。

解惟作心體有鄙夫空空如也。雖彼此高下各異。而其從心上說只一般。徐時泰曰。三義貼書旨。誠爲的確。但恐心體之空。於聖學終不相肖。曰。易云。天下何思何慮。詩云。文王不識不知。上天之載。無聲無臭。非空而何。但未能充實而先言空。則不免爲口頭禪。是則與聖學刺謬耳。曰。然則貨殖何又從貨上說。曰。此明有貨字。安得抹殺。而以學殖爲解。蓋殖貨正是不近道一事。乃與庶乎相照。而不必從屢空牽帶者也。○林芹春問。其庶乎屢空。作一句讀。下文氣亦順。答曰。顏氏之子。其殆庶幾乎。明與此庶乎同一語氣。何必要改讀。○朱之翰問。命字是通章要領。顏子之庶。直見徹天命根宗。若賜不受命而貨殖。是於原頭不

透要須將億中之識。從天命處。究心始得。答曰。每每教你們看書。看本文口氣。蓋有論道理的話。有論人物的話。若在天命之語。須將命字重發。此則以四賜較量。原只在二子人品上。相形激勵。命字一帶過。因為道理在此。更生執着。是但知有字義。而通章語氣。竟友失却矣。○王師濟問。億字終是子貢一生大病。夫子指破他。歸空恐此不是稱許的話。答曰。玩則屢中語氣。明是稱之。億字好友宜活看。億卽思慮定靜安後。尚不廢思慮。蓋對已得手的。要他掃去億度。對未得手的。亦須借億度為研磨。今以子貢分量及屢中語氣照看。要知畢竟是稱詞也。

子張問善人之道子曰不踐迹亦不入於室

〔測〕室是道之精奧處迹是古人所做過成法正走入室內的轍迹此迹到入室後如得魚忘筌畢竟要脫去的善人能得合下不踐自與善契豈不是他資質好處但亦不能入室則言外之旨分明謂其不踐迹而阻從入之路反爲好資質所限耳

〔演〕子張問善人的道夫子說善人生來好的不消踐那現成的迹然也不造入到精奧的室內

〔商〕

子曰論篤是與君子者乎色莊者乎

〔測〕論篤是口裏議論懇篤不浮是與只據論篤就稱許他蓋世

人因見巧言不好。便以論篤爲佳。不知其中也有真偽。君子是有德有言的。色莊是模樣莊嚴。恰像篤實光景。乃有言未必有德的。上說論篤。下說色莊。蓋言與色相應。可隨舉以互見者。  
演夫子說。只因言論篤實。就稱與他言便好粧飾。知他是有實德的君子呢。知他是做模樣的色莊呢。

商

子路問聞斯行諸子曰。有父兄在。如之何其聞斯行之。冉有問聞斯行諸子曰。聞斯行之。公西華曰。由也問聞斯行諸子曰。有父兄在。求也問聞斯行諸子曰。聞斯行之。亦也。或敢問子曰。求也退。故進之。由也兼人。故退之。

〔測〕由求俱是間行。夫子雖一進一退。總是要他行得恰好。非謂由能兼人。獨不欲其行也。有父兄在。殊非稟命之說。記云。父母在不許友以死。以此推之。父兄在者。凡事俱須照顧前後。不宜直前遽行。只是要加躊躇之意。兼人。謂一人才力能兼數人之長。若果行得停當。有何不可。其實銳進者未免粗疎。故以退之之法救其失。蓋凡教人。不在益其所長。而在攻其所短。此正化裁之妙也。

〔瀆〕子路問說。聞得就該做麼。夫子說。凡事有父兄在。要須照顧。怎麼聞得了。就做。冉有問說。聞得就該做麼。夫子說。凡事聞得了。再辭不得。就該去做。公西華說。由也問聞斯行諸。夫子說。有

父兄在求也問聞斯行諸夫子又說聞斯行之一般樣問兩般樣答亦也疑惑敢問其麼緣故夫子說求也退怯做得不及故把聞斯行之策勸他進去由也兼倍人做得過當故把有父兄在裁抑他退來總是一般方法

商

子畏於匡顏淵後子曰吾以女爲死矣曰子在則何敢死

淵凡人肯死說得個敢死若是不肯死撞了兇人連自家主張不得怎麼說何敢死蓋顏子一聞夫子之言全不計及事勢而直以心事來對因爲曉得夫子在一心要你全身子起來追隨說子在則何敢死則子不在而敢死可知此不是道義之契真

能置形骸於生死之外者。安得有此。

〔演〕夫子被匡人圍了。有成畏於匡地。夫子已先出了圍。顏淵在後到。夫子見了。驚喜說。我道你已是死了。顏淵說。夫子見在。因怎麼就敢去死。

〔商〕

季子然問仲由冉求可謂大臣。與子曰。吾以子爲異之間。曾由與求之間。所謂大臣者。以道事君。不可則止。今由與求也可謂具臣矣。曰。然則從之者。與子曰。弑父與君。亦不從也。

○何註曰。子然季氏子弟。

〔測〕夫子平日語多和。而獨此最爲激烈。必有其故。想子然之父意如逐昭公。則孺然亦必素蓄無君之心者。故於其問由求。謂



不以道事君。又謂不從弑逆。皆以陰折其不臣之心耳。以道事君。單單只把個道更不用別法也。不可則止。君不以道爲可。我卽止而不仕也。具臣乃是知效一官。能辦一職。非止備臣數之說。

演季子然問仲由冉求好說是大臣麼。夫子說。我道你是甚麼異樣的人品來問。却原來把山與求這樣的人來問。所說是大臣的人。單把個道去事君。不肯一些遷就。君若以爲不可。就止了。不仕如今由與求只會辦得一官。好說是具臣罷了。子然說。既然是具臣。凡君要做的。他都是依從的麼。夫子說。從的固多。若是弑父與君。一定也不從了。

商傾若群臣冉求曾從聚飲誠爲非道事君若仲由是最剛果的人何亦爲此想或出於見所不到也答曰旅泰山作丘賦之類想春秋時安於習見亦不覺得是十分僭逆的事故且容他過去觀子路以正名爲迂未嘗無通俗之見然伐顓臾而夫子獨責冉求則子路不與其事又可知

子路使子羔爲費宰子曰賊夫人之子子路曰有民人焉有社稷爲何必讀書然後爲學子曰是故惡夫佞者

周禮註社稷土穀之名有德者配食焉

則成人有喪兄而不爲衰者聞子羔將爲宰乃衰則其樸素之資素孚於人子路使爲費宰不爲無見夫子何便說賊夫人之子看下何必讀書然後爲學則子羔乃質美未學者仕學雖是

一理然必豫先理會方可施之於民社。若臨事漫嘗則悞已悞人。寧必無之。子路本非爲佞者。但其言似是而非。而信口直談。不加工會。故以平日之惡佞懸坐之。蓋佞必子路所深惡。欲使惕然有省。而要非夫子真實語也。

演子路使子羔爲費邑的宰。夫子說他不曾學就爲仕。賊害了人家的兒子。子路說爲宰有民人去整治。有社稷去奉祀。這就是爲學。何須定要讀書。方纔叫做爲學。夫子說只因你這般會答應。我平日疾惡那佞口的人。

商鄭尚喟問學古入官。方合道理。以仕爲學。全然悖謬。恐難說。他似是夫子所惡。還如註非其本意。而禦人以口之謂。答曰只

因佞者說得似是故能禦人。若全沒理。那能禦得。人來。子路問中自謂有此道理。而不能因夫子言。再加體會。如所云知之爲知之。不知爲不知。便爾信口說出。故有類於佞。若謂原非本意。而禦人以口。則子路乃瞞心之輩。擬人失其倫矣。

子路曾皙冉有公西華侍坐。子曰。以吾一日長乎爾。毋吾以也。居。則曰。不吾知也。如或知爾。則何以哉。子路率爾而對曰。千乘之國。攝乎大國之間。加之以師旅。因之以饑饉。由也爲之比及三年。可使有勇。且知方也。夫子哂之。求爾何如。對曰。方六七十。如五六十。求也爲之比及三年。可使足民。如其禮樂。以俟君子。赤爾何如。對曰。非曰能之。願學焉。宗廟之事。如會同。端章甫。願爲小相焉。黜爾

何如鼓瑟希鏗爾舍瑟而作對曰異乎三子者之撰子曰何傷乎亦各言其志也曰莫春者春服既成冠者五六人童子六七人浴乎沂風乎舞雩詠而歸夫子喟然嘆曰吾與點也三子者出曾皙後曾皙曰夫三子者之言何如子曰亦各言其志也已矣曰夫子何哂由也曰爲國以禮其言不讓是故哂之唯求則非邦也與安見方六七十如五六十而非邦也者唯赤則非邦也與宗廟會同非諸侯而何赤也爲之小孰能爲之大○註疏曰曾皙參父名點設不熱爲侯歲不熱爲饋宗廟之事謂禘祠蒸嘗及滎享朝享輪胎之類皆是也諸侯時見曰會殷見曰同周禮註云此禮以諸侯見王爲文時見者言無常期諸侯有不願服者王將有征討之事則既朝覲王爲壇於國外合諸侯而命事焉殷猶衆也十二歲王始不巡守則六服盡朝朝禮既畢王亦爲壇合諸侯以命政焉小相謂相君之禮者周禮註云出接賓曰摺入贊禮曰相又注云相爲主君摺者聘禮云卿爲

上擯大夫爲承相士爲糾擯此八卿也。小相者議不敢爲上擯之卿。顯爲承相糾擯之大夫士耳。故然命音希也。雖投瑟聲也。莫不季春也。考者所出之祭名使童男女舞之春官女巫聯曰旱暵則舞雩因謂其處爲舞雩舞雩有壇卑樹木可以休息。

測觀居則曰不吾知句。夫子開口便有惜諸子見知無人不得用世之意。率率先也。子路年長本宜先對。但不免有當先急遽之意。攝是鈴攝千乘之國。已是大國。復云攝乎大國者。如當時魯衛之於晉楚也。有勇是能親上。死長奮不傾身。方是方畧。爲坐作進退之法。哂之乃是爲他未得到手。而急於張皇。下文不讓亦此意。足民使民衣食豐足。禮樂則化行俗美。人有揖讓之風矣。禮樂本亦所優爲。因求之讓而亦遜其辭。止自居於願學宗廟諸侯祀祖考之事。會同諸侯時見曰會。衆見曰同。皆朝天。

子時事端雖有玄端之說。只作端正訓爲是。章甫殷冠舉一冠之正。而衣服卽該於內。贊禮爲相。願爲小相者。謙言不敢居以大也。撰是撰述。所陳說的便是。洛沂如後世於上巳日迎流盥手畧潔衣以除其垢也。夫子始以知爾爲問。點所對非本肯。何以獨與之蓋。夫子從人知說來。原是用世念頭。至三子言富強禮樂。逐個個有許多作用。說得行不得。夫子一一聽過。未免心下憐悶。到點說向童冠借春。洛沂風詠。目前有這許多快活。不覺動其師徒樂聚居常名教之適。是得而忽舒。故發此喟然之嘆息。與點要與他一同快活也。然曾點初時亦爲已志不足以酬夫子故躡喘不敢言。不意反蒙許可。未知何故。故待三子既

去自家獨後以三子爲問欲因人以證已耳亦各言其志言三子也各自陳一種抱負吐一番經濟非漫然無當者也已矣亦是嘆詞纔提起三子仍觸動夫子用世本懷嘆息不能已已然則三子又是夫子與的點一發不得明白乃逐個從頭問去爲國以禮須說得輕鬆不必將禮字重看點又因爲國二字翻跌入求亦非爲邦上去至於五六十而亦邦宗廟會同皆諸侯則求亦亦是爲邦初不以爲國病由而所以與三子之意愈顯然矣看來夫子生平志在救世無日不望三子之富強禮樂見用於時安得有外之之意特以知已不過雖輟環列國亦惟日與吾黨隨地自適卽至患難中猶師鼓琴弟子執干而舞則曾點



之樂。夫子又未嘗不素用之也。是知諸子皆夫子所與而與點之情則獨爲感泣。

演子路曾冉有公西華四子侍坐。夫子說以我年紀。有一日長過你們。不要把這個爲事。大家畧去了形迹講話。你們平居便說沒人曉得我。設或有人曉得你。就把甚麼去做呢。子路率爾對說。千乘的大國。鈐攝在兩大國中間。又加上師旅。因師旅又生出饑饉。由也去做。剛到三年。可使民都有勇不怕死。且曉得攻擊的方畧。夫子聽了微笑他。又問求爾怎麼。對說。方六七十里。如五六十里的小國。求也去做。剛到三年。可使民都衣食饒足。若是把禮樂去化導。還須待有養的君子。又問赤爾怎麼。

對說禮樂非敢說能得。却願去學他。如宗廟中諸侯祭祖宗的事。又如會同諸侯朝見天子。端整了章甫的冠。這時諸侯在那裡行禮。赤願爲小相贊相他。又問點爾怎麼時。點方鼓瑟。因問住了。他音聲還鏗爾不斷。含了悲。站起來對說。點的志。異乎三子的撰述。恰像不好說得。夫子說。這有何妨也。大家說自己的志向。點說。當暮春的時候。春服既成就了。同那冠者五六個人。童子六七個人。浴乎沂水。乘風乎舞雩。一路歌咏歸來。只眼前討些受用。三子都是要人知的。却當時只有人不知。光景。夫子聽了點言。不覺感懷。喟然嘆說。點會這等快活。吾與點了。夫子所問的在人知。所與的倒在人不知。點心下終是疑惑。等三

子都出去了。曾皙獨後。問說夫三子剛纔說的話怎麼。夫子說也各人說自己所懷抱的志向罷了。點說既是言志。夫子怎麼哂由。夫子說爲國須把個禮。他的言語不遜讓。爲此哂他。點又說既是爲國。唯求難道不是爲那麼。夫子說怎見得方六七十。如五六十的。獨不是那點。又說難道赤不是爲那麼。夫子說宗廟會同不是諸侯的事。是那個的事。赤這樣人做了小相。那個去做大相。夫子既許他爲那。三子亦皆是所與的了。

商陸鳴時問。舊說謂點胸次直與天地萬物上下同流。又謂是堯舜氣象。特行有不掩。今何以悉置不用。答曰。此固夫子與點而不明言。其意實紛紛推求不勝。謂許不知點特一狂者。安能

到此且夫子與則與矣。又何以喟然嘆也。以夫子發嘆及點素履於之。故知所與。乃一時感觸之懷。而非其生平本願。○柴世挺問。看夫子一生。避世之念俱假。浮海居夷之嘆可見。他若肯丟了天下。自尋快活。則聞長沮。荷蕢之言。謂何憮然。謂何說果哉。此喟然之與。初無實意。譬如人處室家。悶熱場中。忽然聞得山林幽靜。一時入耳也。覺清涼欲往。纔過頭。那室家又終是放捨不下。故語及三子。復有亦各言其志也已矣之嘆。向時與點一言。又不知丟冷何處。此當如鏡花水月。不可執着。若認定一時感觸。便謂夫子主意在是。何似痴人前說夢。答曰。此亦說得有光景。但觀夫子平日用世之心。誠切而樂天之趣不無據。

說似左袒用世一邊。不免稍偏。且吾與點句。全無實義。亦太變。  
爲○施惟中間。曾點畢竟是何如人品。孟子常以曾皙爲狂。未  
見有實事可指。想亦從此看出否。答曰。狂者嘒嘒慕古。真是不  
把世情覷在眼裡。觀點洒洒數語。亦就此可想。狂者氣象。至實  
究其品地。則後世如冠萊公。近似子路。劉宴近似冉求。各實落  
在事業中幹辦。點似可彷彿陶淵明。白香山。識見稍有到處。便會  
討一着便宜。

顏淵第十二

顏淵問仁。子曰克己復禮爲仁。一日克己復禮。天下歸仁焉。爲仁  
由己。而由人乎哉。顏淵曰。請問其目。子曰。非禮勿視。非禮勿聽。非

禮勿言非禮勿動顏淵曰回雖不敏請事斯語矣

淵已字禮字照下文看已卽是視聽言動於此要件件適意認作自家與人分別故以爲已克者戰勝之謂能降伏得他下非直去此已也禮卽是當視當聽當言動的條理如不合條理自己心下亦必有所不安可見此已本有個條理在但一向只從已用事將禮悖違復者此已仍歸還於禮也克復功夫是一套做的觀下非禮勿視等勿視必律以禮則克已乃以禮克之如奉大將以討叛逆者迨禮復則百體悉受節制而已卽化爲禮矣克已復禮是爲仁功夫故謂克已復禮爲仁一日克已二句正申解爲仁意一日者前此雖做克復功夫苟一問未達不免

王月猶遠。還計不得程途。算不得日子。惟到一日耳。目口體。忽然都喪。從心所欲。不踰矩。方是功夫得手時候。這一日纔好算得克復的日子也。克了已。我與人既無形骸之隔。復了心。我與人又有相通之矩。是彼我一團都在仁中。而存神過化。自不能外歸仁者。謂天下聞風興起。信向此仁。乃歸依於仁中。非定是來歸我也。當與民德歸厚一例看。此雖聽其漸漸感動。而功夫只在一日了手。向後別無作爲。故一日克復之下。直接以天下歸仁。更無遲疑等待之意。謂何必要說到天下。蓋仁原以天下爲一體。舍了天下。卽無處寄我之仁。正如火寄於木。必木燃方是火到。若木未燒着。火在何處。故必天下皆歸於仁中。方爲完

此一體之分量方是爲仁耳。天下歸仁，全繇克己來。將己自克，所謂心病還從心上醫，故說爲仁由己而由人乎哉。乎哉語氣，蓋深有味於此己之得力而爲咏嘆之詞也。夫子論仁至此，真是直截痛快。顏子便要下手去做，故問功夫的條目。夫子又就己上分別出視聽言動來。己是要靠他爲仁的，有何不好，只爲見色要視，聞聲要聽，不好的話要說，不好的事要做，像了自己意思，不顧道理如何。這皆是不以禮而以己者，故謂之非禮。勿者，教他着力簡制。顏子此時亦必在未約禮前，也不云以禮去視聽言動，而云非禮勿視聽言動，俱用禁止字義者，正應着上邊的克己。然句句有個禮字在，則復禮亦卽含於其中矣。不敏。



言不敏捷是謙詞。請事斯語。謂請從事於這四勿的言語。通章看來。仁的分量。必包乎天下。而仁的功夫。惟在於自己。分量全繇功夫造來。故於論克己。獨爲詳切。

〔演〕顏淵問仁。夫子說克勝了縱欲的己。復還到循理的禮上。這一個乃是爲仁。人只爲功夫不曾做到。分量便有虧欠。若一日間。克了己。復了禮。天下的人。必定感動。都慕着爲仁。歸向於這仁中了。天下總隨己轉。可見爲仁。乃專繇自己去克自己。曾轉繇他人乎哉。顏淵便要下手去做。說請問功夫的條目。夫子說禮不該視的。不要視。禮不該聽的。不要聽。禮不該言的。不要言。禮不該動的。不要動。於己上都把個禮去克他。顏淵說。卽得夫子

指點雖資質不敏捷也。顧不得請從事於這言語努力去做了。  
商方如騏問仁字昔有以生字訓者。程子云未盡上蔡指覺的。  
便是朱子又道上蔡之病在以覺爲仁。醫家云手足痿痺爲不  
仁。明道謂此語最可玩味。晦菴又間取喻於桃仁杏仁。明道又  
謂公則近仁。陽明又云公愛。諸說各各不同。今講獨從程子萬  
物一體者。却是爲何。中庸云仁者人也。孟子云仁人心也。原不  
轉一註脚。倘所謂仁道至大。纔有所主。便該括不盡。故耶。答曰。  
仁字乃最緊要字。論語一書論仁已居其半。安可糊塗看過。凡  
講中俱以萬物一體言者。惟提出一體則處處可通。如以生字  
訓。須一體生意方不斷滅。以覺訓。唯一體故痾癢便自覺得。手

足痿痺。政是一體內隔絕處。桃仁杏仁。乃一體中生意所醞釀者。公則不私已。愛則不傷人。皆視爲一體之意。所謂人者。我是此人。人亦是此人。一體中豈容分別。所謂人心者。卽人皆有不忍人之心。不忍人亦是一體。諸說都未嘗不是。今獨提萬物一體者。正從此章看出。蓋夫子平日論仁。隨諸弟子分量。設爲方便。俱所謂第二月。獨顏子則真是承當得起。故直截指示他。但想天下何等廣大。而所論一日克復。要取必於天下歸仁。豈不是以萬物一體爲分量。學者須識此宗旨。於仁方有成就。若分量不廣。雖竭力克復功夫。亦終局於所見。而無滿量之日矣。湯自新曰。以萬物一體爲分量。恐功夫不免馳騫。如何下手。曰。

下手只在克己。所以不能爲物一體。皆爲此己。己一放縱。則必至拂人從欲。與人情不相體貼。可惡一體得來。曰天下甚廣。如何一克己。便能通得去。曰天下正不離己自家。而鄉而國而天下。皆人也。皆隨其所值。而以己爲酬對者也。人情所最切近者。無如愛子。惟惟乾就濕。無以有己。故能與子爲一體。若待一家。皆無以有己。則一家皆一體矣。待一鄉。皆無以有己。則一鄉皆一體矣。以至國與天下。莫不皆然。但此處隔礙消一分。則彼處便聯屬得一分。此處隔礙消二分。則彼處便聯屬得二分。至十分滿足。卽是萬物一體。卽使天下歸仁。曰人之愛子。原是爲我一體所分。若天下與己終覺有間。如何見得是一體。曰今人路

遇饑寒困苦的也惻然憐憫。彼人自苦。謂何要你動心。且莫說人便看這地上螻蛄蚯蚓之類。爲命甚微。乃是踐蚯蚓卒然驚惻。有莫知其然而然者。而至於一執已相。則相爭相軋。雖至親骨肉不免剗刃。可見萬物原自一體。而紛紛隔絕。皆已爲之障。故欲下克已功夫。必須知萬物一體之分量。欲盡萬物一體之分量。必須下克已之功夫。柴世昌曰。既如此。則爲仁功夫。只克已便了。謂何又增出復禮來。曰。仁是一團生意。全體渾然。雖具在本心。而已念一熾。則目欲視色。耳欲聽聲。口欲放言。身欲妄動。仁便制他不下。惟禮則件件有個條理。如視聽言動之類。隨處皆把個方法制伏他。他自然受我約束。而仁不爲所闕。故克

已須用個禮。如人一身自頭至踵皆一團元氣之充周。是仁。其間肢節筋骨處處有個脉絡。是禮。若脉絡壅塞。則元氣便不能貫通。而血肉有潰爛之憂矣。再推廣之。仁的大關目。不過親親。仁民愛物。不先親親。便去仁民。不先仁民。便去愛物。固爲不循條理。倒行逆施。連仁民與愛物也通不去。然就親親中。又自有條理。如仰事俯育。誠爲至恩。若使殘害他人。爲非理之奉。則親親亦失之矣。至於民。固要仁。亦不因此便可暴殄生物。如禮不殺卵。不履巢之類。又自有將節愛養之方。總是仁愛了。沒個方法。便易情泥於一處。他處反行不去。所以要有品節限制。則天下雖廣。自以條理之分布。而生意觸處可通。萬物一體。不外是。

矣。此爲仁之所以必藉於禮也。○虞宗堉問。克字有訓能訓去者。二義何居。答曰。克字原有二義。訓勝也能也。相本文最貼者。隨川一義。若訓能則當云能已復禮。覺文拙而義乖。故不如從勝訓爲長。至若訓去則原屬杜撰。並無此解。沈荅曰。既是勝已。謂何又說山已。似不相照應。曰。視聽言動趨向着非禮的。固是此已。道是非禮能降伏他的。亦是此已。如手中癢去扒他癢的。固是手。扒癢的也是手。○孟師尹問。天下歸仁。只在我心體能與人不隔。便是若要那人感動。都歸向此仁。恐難取必。答曰。心體與天下不隔。固是。但世未有有其心而無其事者。形著動變。必然之理。人不感動。還是我未到一日克復處耳。曰。孔子在當

時亦未見天下盡皆信向曰孔門從遊弟子當時幾遍天下而其私淑者更不可量但到處有人信向卽是天下歸仁矣又何必盡人皆然若拘執此義則唐堯時謂黎民於變時雍又謂比屋可封而何朝廷之上猶有四凶也但本文不云歸我而云歸仁故前講只以聞風興起爲言方所該自廣若實實從遊則止是歸仁中之一章耳洪度曰取必於人之歸仁終恐學者馳心於外曰天下皆我一體何物是外卽此有外之心仁便不免缺陷矣但感動雖在彼而功夫只在我機如桴鼓豈容有意要求故下卽繼云爲仁由己聖人之言自無滲漏○鄭尚友問聖功貴動靜無間今夫子以視聽言動告顏子似單在動邊着力倘



視聽言動未接時功夫不幾停閣而無所施耶。答曰：子果以人  
有不視聽言動時乎？夫人要離視聽言動，除是死去。若生則無  
一刻能斷絕者。睡夢之間，一呼卽醒，是無時不聞合眼之時，猶  
能見暗，是無時不視。言不必宣之口，凡擬議欲言皆是，動不必  
見之行，凡食息起居皆是。然此因請問其目，故以視聽言動分  
四目言之。有目必有綱。若綱則總只是一仁。曰：綱既是仁，只宜  
向綱上做。又何必求之於目？曰：理須頓悟，可以提綱，而事必漸  
修，不免列目，故爲仁功夫詳於復禮。

仲芳問：仁子曰：出門如見大賓，使民如承大祭，已所不欲，勿施於  
人。在那無怨在家無怨。仲芳曰：雍雖不敏，請事斯語矣。

一、測不欲勿施。正爲仁的實事。必從見賓承祭說來者。蓋人若心  
事放縱。焉能體貼人情。必須一心對副着他。如大賓大祭。遇着  
爵位德望的人在面前。或天地鬼神鑒臨於上。此時自然一心  
對副。今把出門使民。人情所最易忽的。俱與見大賓承大祭一  
般。則此心時時提攝。更無放逸之處矣。這正是推心的張本。不  
欲勿施。卽將心去體貼人。我所不願的。不要把去施與他。那家  
無怨。又根上不欲勿施來。能得如此體貼人情。自然到處無怨。  
如其未然。則不欲勿施者。猶未盡也。此與天下歸仁一例。亦是  
見他爲仁處。但天下說得廣。在邦在家。不過隨身之所到。因彼  
此功夫有頓漸。故感通亦有廣狹耳。仲弓請事斯語。其功夫誠

不同於顏子。然其直下承當，却亦無異。

演仲弓問仁。夫子說於出門易忽的處，就如見極大賓客一般。一於使民易慢的人，就如承極大祭祀一般。把這樣心對副將去，自己所不願欲的，就覺得人也一樣，不把去施與人在一邦於邦的人無怨。在一家於家的人無怨，都體貼得人心事來。仲弓說：「雍得夫子指點，雖資質不敏捷，也顧不得，請從事於這言語，努力去做。」

商王光濟問：「居處恭，執事敬，與人忠。」三項平說恭敬，卽見賓承祭之意思。卽勿施之意。出門二句，旣爲下二句張本，則居處二句亦可云爲與人一句乎？答曰：夫子言仁，卽認言亦是。豈見賓

承祭之心說不得是仁。但仁有功夫有作用。是賓承祭乃是爲仁功夫。畢竟在平時做的。不欲勿施。纔是當下的作用於仁。更爲貼切。且彼口氣三平則三平。此口氣不落則不落。看書正須于理同而相其口氣之異。豈可拘爲一律。

司馬牛問仁。子曰仁者其言也訥。曰其言也訥。斯謂之仁矣。乎子曰爲之難言之得無訥乎。

○何註曰牛弟子司馬犁。○說文訥頓也。從言刃聲。徐曰頓者多頓躓也。廣韻

難言也。

〔測〕訥卽忍意。乃頓住在口而不直出。其言也訥。根仁者來。是就養成的說。倒不是初學所能。想牛平日必是好說話的。夫子特指點個仁的模樣。使牛默會。牛却不去思想。道是訥言爲易而

少之。蓋以仁爲難能。當不止此也。夫子卽就其意說。爲仁果覺得艱難。卽要不訥言。自不得不訥了。言外見得口頭會說的。還只是一團浮氣。未曾摸着他的就裡呢。蓋欲變化氣質歸於本訥。方纔可與商量。而本文所言。並無實發爲仁處。不必執句深求。

〔演〕司馬牛問仁。夫子說仁者的人。他言語常訥。任不肯輕說出來。司馬牛說。只言語會訥。這就算得仁了。難道仁是這等容易。夫子說爲仁果覺得艱難。說出來便要訥。也能得不訥麼。訥豈只在言上。

〔商〕羅應垣問爲之難。舊說推進一層。謂他心體存養得定。故作

爲不肯輕易。此纔於論仁相關。答曰。今人看書動輒說到心體。我亦未嘗不說心體。但說體卽見用。說用卽見體。說心卽見事。說事卽見心。各就本文自有一個實際。今本文只說爲之難。何又增入心體。凡論仁。能侗處固要得其源委。而說向行事上則改頭換面。各各不同。譬如月在天上只一個。而影落川中。金光萬道。處處有月。若所賞玩者原是水月。而索之天上。則現前光景反失之矣。如此看書論語全部一言可蔽云。心體足矣。夫子何用這許多說話。

司馬牛問君子。子曰。君子不憂不懼。曰。不憂不懼。斯謂之君子矣。乎。子曰。內省不疚。夫何憂何懼。

平測愛是憂愁懼是懼怕不憂不懼根君子來亦是就造成的說其所以能然處全在下內省不疚內省是自己心下查考人在暗室屋漏中做了虧心的事別人未必曉得自己如有疚病一般排遣不去故須要心下查考沒有一些病痛則此心快然自慊有甚麼憂自反而縮有甚麼懼這何憂何懼從內省說來亦只在自心上論若境遇豈能必無但雖有亦如飄風之過於我心毫無關涉矣內省怎麼便能不疚要見還有平時克治功夫但此在言外不曾道及

演司馬牛問君子夫子說君子的人心裏不憂愁不怕懼司馬牛說只不憂不懼這就算得君子了夫子說心內自家查考若

沒有一些疾病。便自覺得心寬膽壯。還有甚麼憂愁。有甚麼懼怕。這豈只在憂懼上。強制得來的。

商

司馬牛憂曰。人皆有兄弟。我獨亡。子夏曰。商聞之矣。死生有命。富貴在天。君子敬而無失。與人恭而有禮。四海之內。皆兄弟也。君子何患乎無兄弟也。○案左傳。宋桓魋之寵。害於公公。將討之。未及。先謀公公。知之。召皇司馬子仲及左師。向巢以命其徒。攻桓氏。向魋遂入於曹。以叛。民叛之。而奔衛。司馬牛致其邑與生馬。而適齊。齊牛又致其邑馬。而適吳。

測司馬牛之兄向魋。欲弑宋公。其弟子願子車。亦與同惡。我獨亡。謂只當沒有兄弟的一般。蓋因君臣之義絕。而兄弟之情亦絕。雖未誅戮。亦不復可算兄弟矣。此只好諉之天命。故子夏引



成語曉處。撒開下與人恭看。則敬卑屬於己。敬原是好的。須要常常如此。無有缺失。與人恭固好。却有未必盡當處。又須有禮以節文之。我既恭敬人。亦必恭敬。以恭敬相孚。則道義之交。何減骨肉。四海皆兄弟。不過言其多。凡感動得的。卽是非謂盡人皆然也。此語宜會意看。

演司馬牛因兄弟作亂。憂愁說人都有兄弟。大家相安。惟我遇着變異。獨沒有兄弟。子夏說商常聽得說死生有付定的命。富貴在主宰的天。這都是踈不得我的。只去理會自己。君子自家敬謹。沒有缺失。與人恭遜。又有禮節。把這方法去相交。四海內的人。但有感動的。都好做得我兄弟也。君子何患沒兄弟也。

商董天植問君子三自反。猶不免於橫逆。豈得盡四海皆兄弟。泛論其理。則可。若實作兄弟。恐未必然。答曰。我雖敬恭四海。豈能人人盡孚。固是有其理。不必有其事。然我既自盡。道同志合之。朋。又何地無之。則有其理。亦未嘗不有其事。洪天泰曰。論理如此。畢竟與兄弟不同。曰。如今朋友之道。已絕於世。宜乎子有是言。看世上所謂朋友者。戲說以爲忘形。諂曲便成知己。稍稍飲食滿沫。爭侈以爲盛事。間或居恒矯作意氣。一當利害。則抱頭縮頸。情狀有不堪論者矣。朋友的道理。原不然。通財一節。古人所不必論。進之而患難與共。生死無欺。春秋戰國間。往往有之。然此猶俠氣也。若道義之交。則以德相成。以道相濟。言臭等。

於如關心同可以斷金如此莫逆爲甚還做不得兄弟

子張問明子曰浸潤之譖膚受之愬不行焉可謂明也也矣浸潤之譖膚受之愬不行焉可謂遠也已矣

洊浸潤如水之浸淫漸漸滲入至於濕潤以此方法用譖則溫言冷語日逐漸投自潛移不覺膚受是肌膚上受傷以此方法去愬令人驟見必忿然爲之不平不行者不行他的譖愬也只此目前不爲所蔽便是心下明白的了故可謂之明然恐人只認作近又將浸潤膚受不行玩味一番說豈徒是近處能明亦即可謂之遠蓋凡四海九州之外要障蔽我總不出目前欺瞞譬如人眼界所到之境若在遠處遮蔽如何能遮得過只消將

一物遮在眼前則泰山當前而不見矣故近處不蔽即是遠處不蔽了這全不曾說及明之本體只就所照上想見其明體耳  
顏子張問明夫子說如浸淫滋潤的證毀肌膚受害的控愬都最會哄我却到我跟前能絕不行他的面前蔽我不得便是我心下能照這喚做明了豈只近處能明若是浸潤的證膚受的愬都不行他的近處蔽不得便連遠處也一樣蔽不得總是這心去照這就喚做遠了

商吳之斗問人嘗講愬之來多用情識封付反墮在他計中所謂不行者乃是心之不行謂情識空而本體定故能明且遠答曰行諸愬也不定是情識譬如居官的卒然有人遍體被傷來

控告於我。那時無論好官歹官也都未必有成心在內。然却不知不覺被他遮掩了去。總只是心上沒見識。故特借譖愬不行。以覘其心體之明。不必又將不行處穿緊。

子貢問政。子曰。足食足兵。民信之矣。子貢曰。必不得已而去於斯三者。何先。曰。去兵。子貢曰。必不得已而去於斯二者。何先。曰。去食。自古皆有死。民無信不立。

測足食足兵民信三項平說之矣。聯上足食足兵一句讀下。是說爲政已盡於此。更無別法也。民信者。不徒我信於民。而民亦信得我過。這三樣輕重去留。子貢豈不曉得。但意夫子或更有行權之妙。而究竟不出於經。不得已者。要照常歇手。繇不得你。

須用變通。兵去而食給信乎。猶可相守。其事易見。故不復申說。若無食。則便要死了。何可去得。所以又申言。自古皆有死。民無信不立。立是植立得定。爲子死。孝爲臣死。忠伏信以立。相維不解。若沒了信。則見利必趨。見害必避。子叛父。臣叛君。土崩瓦解。鳥獸散矣。不能植立。還怎麼成得個國家。到不如死了也罷。如唐之張睢陽。以孤城弱卒。當百萬新集之師。是去兵。到後來羅雀掘鼠。是去食。而至死卒無一人敢叛者。是終不去信的樣子。漢子貢問政。夫子說爲政須是充足糧食。充足兵衛。民都與我相信。有道三件就殺了。子貢說萬一事處兩難。決歇不得。要去一件於道三者。還是那個先去。夫子說兵只是護衛的。且去了。

兵子貢又說萬一事更難處決然不得要去一件於這二者選是那個先去夫子說食只是養生的且去了食去食就要死自古的人都有個死若是百姓沒有信相倚恃使大家都顛倒了不能植立還怎成得個國家

**商**徐世淳問足食足兵民信之矣玩語氣似還重信邊論理亦應如此答曰既重民信子貢又何消再問

棘子成曰君子質而已矣何以文爲子貢曰惜乎夫子之說君子也駟不及舌文猶質也質猶文也虎豹之鞶猶犬羊之鞶

○何註曰棘子

成衛大夫

**測**文是文飾如服物采章登降揖遜之類燦然有可觀美質則

質素止存本質而無增飾也。煉于成要。去文存質。亦與夫子寧儉意相似。但不免矯俗太過。故子貢以失言惜之。文質照下虎豹二句看。文如虎豹的皮有文彩。質如犬羊的皮無文彩。皆因乎其稟。肖乎其形。如在士君子。則須從文。備物備儀。方成觀美。若純任本質。便無以別等威。而明體統。在細民。則止能任質。奮野率真。自得其便。若加了文彩。反張徨踟躕。不成個模樣。故文之不可易爲質。卽猶質之不可易爲文。質之不可易爲文。亦猶文之不可易爲質。假如虎豹之皮原有文彩的。若要去了文彩。便不成其爲虎豹。犬羊之皮原沒文彩的。若要添些文彩。亦不成其爲犬羊。故謂虎豹之鞞。猶犬羊之鞞。此猶字與上猶字。頂



針一直接下。正所謂鳬脰雖短續之則憂。鶴脰雖長斷之則悲。各適其適而非可相易。以見文質皆宜並存不可偏去。

〔演〕練子成說維世的君子只是質素便殺了。何消用文飾爲乎。貢說可惜夫子的說話是個君子也。乃輕說出來駟馬追不及。這舌頭了。文飾的不可強他做質。就如那質一般也。質素的不可強他做文。就如那文一般也。只看虎豹的鞞是有文彩的就如那犬羊的鞞是沒文彩的。兩下裡怎麼相移易得。

〔商〕徐時泰問舊以文猶質。質猶文。謂文質分數不調。以昂今講謂文之不可移易猶夫質質之不可移易猶夫文。未審的確從何看出。答曰若單說文猶質也。質猶文也。沒下而兩句便依舊。

解亦得今緊接虎豹之鞞猶犬羊之鞞明是把虎豹鞞喻文犬  
羊鞞喻質猶字卽頂上猶字蓋虎豹之鞞猶犬羊之鞞二語正  
直喻文猶質也一句而反此則質猶文句亦例見矣語意何等  
直截如舊說須於質猶文下補云若必盡去其文而獨存其質  
便不免多費幹旋且一般猶字如何又作兩意相看曹觀文曰  
如此雖得猶字語氣而鞞字未安鞞是皮去毛者故舊以盡去  
其文解之曰舊解以皮去毛爲去文是虎豹犬羊之毛俱有文  
可去矣易云大人虎變其文炳也君子豹變其文蔚也惟虎豹  
有文而犬羊則何文之有卽虎豹犬羊果盡去毛其皮亦何至  
無別舊解於字義未盡通大約鞞卽是皮鞞字卽與皮字互用

耳夫毛之訓雖見於說文亦不必太拘也

哀公問於有若曰年饑用不足如之何有若對曰盍徹乎曰二吾猶不足如之何其徹也對曰百姓足君孰與不足百姓不足君孰與足

測徹法乃井田之制君民一體有通徹之義故名徹魯當初亦是行徹自宣公有履畝之稅逐畝又加一倍則是十分取二矣君孰與不足分明是百姓肯出賦稅與君然亦不外徹法惟正之供百姓若足則飽食煖衣仰事俯育俱已有餘何苦不輸課與君若百姓不足則飢寒迫身敕死不暇雖日加鞭笞亦不能應矣君民一體事勢必然非徒虛論其理者

漢哀公問於有若說年歲饑歉國家的用度不穀怎麼處有若對說何不行那十分取一君民相通的徹法呢哀公說如今已是十分取二尚且不穀怎麼還行得徹法有若說若是百姓用度充足他自然肯輸納君的用度誰與你不足若是百姓用度不足把甚麼來輸納君的用度誰與你足行徹足百姓正是足國的方法

商翁與明問君孰與不足還是君民一體則緩急有賴遇變必能分外輸助若只是惟正之供則何爲二猶不足也答曰先王量入爲出所立稅法原自足供國用後世鑄山煮海算商告緡雖利孔百出而天地生財實止此數盈於彼者虧於此倒把正

額錢糧反拖下了。果使正額錢糧一一辦納。國家自然發用。古人一年耕。有三年之蓄。若遇變而求助於民間。則亦國非其國矣。

上張問崇德辨惑子曰。主忠信。徙義崇德也。愛之欲其生。惡之欲其死。既欲其生。又欲其死。是惑也。誠不以富。亦祇以異。○朱註曰。詩小雅我

異野之辭。此錯簡。

測忠信。總是一實心。王者將他做主。張乃學問根基處。義則隨事合宜。原無定在。又須遷徙以從之。忠信與義兩全。則主輔相須。而可直造至誠無息。精義入神地位。故以爲崇德。謂德日積之而高也。愛其人則欲其生。惡其人則欲其死。只此已不是謂。

何又說既欲其生又欲其死這是挑醒惑字意說人之生死且不消論只你心裡既要他生又要他死可見你心亦作不得主張自生顛倒却不是感知其惑則知所以辨惑故不復言辨字誠不以富二句當作錯簡

演子張問崇德辨惑夫子說主定了忠信的實心又遷徙在合宜的義上忠信與義並做便主輔相幫只管造將上去就是尊崇那德了愛的人要他生惡的人要他死只是這個人你既要他生又要他死心下自生顛倒這就是惑了

商

齊景公問政於孔子孔子對曰君君臣臣父父子子公曰善哉信

如君不君臣不臣父不父子雖有粟吾得而食諸○朱註曰是時景公失政而大夫陳氏厚施於國景公又多內嬖而不立太子

測上君臣父子四字是其名下君臣父子四字是其實總是要盡其實不可忝其名

演繹景公問政於孔子孔子對說君是個君臣是個臣父是個父子是個子都要名稱其實纔是齊景公說夫子說得有理善哉果若君不是個君臣不是個臣父不是個父子不是個子這樣一定喪亡了雖有粟祿吾怎能得食他

商

子曰片言可以折獄者其由也與子路無宿諾

測片言猶單詞不必言之多也折是折斷開來凡獄詞必各伸其說爭做一團我判其曲直折開作兩處可以折獄者是折去就服不復更爭也其由也與大槩料由能得而記者因以無宿諾實之子路有所許諾於人就去做不肯欺宿其言何等誠確故他說出的話人自信服了如今做官的只爲人平時信他不過所問事未未必盡差却多生猜度或道他聽分上或道他通賄賂轉告不休若平日原信他是個誠實不說謊的官則問下事來一定信從便不十分如意也只得干休罷了記者以無宿諾證折獄真深得聽訟之法

演夫子說畧說片言就好折斷得獄詞開來兩下不復再爭這



等的人大約是由麼記者因記說子路平日有約就去做再沒有欺宿的許諾是這樣做人誠確平素能取信於人的

商

子曰聽訟吾猶人也必也使無訟乎

測聽訟是兩造具備聽斷其是非猶人言與人相像無訟不必全無曲直但曲者即自認了不消爭訟到我面前使字大有轉後之妙在但不說及無訟乃極治之化不敢取必故以乎字疑其詞

演夫子說聽斷爭訟辨他曲直我也像得人來若難及的必須有個化他方法使民自無爭訟麼

商呂劍龍問無訟必實無曲直可較若猶有曲直豈能無訟  
曰若然則人人是聖賢了此只如虞芮質成見讓畔而返者  
子張問政子曰居之無倦行之以忠

〔測〕兩之字指上政字居是身之所居處無倦者精神不令倦怠  
也行乃施之於政事以忠卽將所居者行之如今人爲政何嘗  
不着精神但他精神多用在結納要津彌縫世態對百姓反以  
爲厭苦挨得過便了懶去關心及至行出來又不過因襲格套  
鋪排體面不肯將本心做事故夫子提個無倦以忠要人全把  
精神心術去爲政

〔演〕子張問政夫子說自身所居務要打起精神不使有一些倦

息。及行到政上。就把我所居的忠做出來。不可只在體面上修飾。

商

子曰。君子成人之美。不成人之惡。小人反是。

測成美。成惡。只爭個從世道起念。從一已起念。而作用遂分。美與世道有濟。惡與世道有妨。君子不勝關切。故美的多方去培植。務成就他惡的多方去收正。使他不得成就。在已則不惜身家。於人亦不避恩怨。必欲盡人皆美。而無惡方爲快意。小人則惟知有已。正引惡以爲濟。而懼美之相妨。故與君子相反。流夫子說。君子的人。要人都像君子。多方去成就人好處。不成

就人不好處。若小人也。要扯人做小人。與君子的成美不成惡。正相反。

商

季康子問政於孔子。孔子對曰。政者正也。子帥以正。孰敢不正。

〔測〕凡有國家者。俱有政。俱未必曉得解說。政字其字畫從正字。音又從正。乃端正之義。此句只渾然解得。而責成於上。還在帥字內。

〔演〕季康子問政於孔子。孔子對說。喚做政的。豈只在條教上設施。乃是端正的意義也。子若帥領把個正。百姓便都學樣。那一個敢不正。

商

季康子患盜問於孔子孔子對曰苟子之不欲雖賞之不竊

測今人呼他爲盜必然而赤誰肯樂爲只因在上的有欲剋制小民既饑寒迫身且夕難忍又見儼然簪裾以臨其上者且不惜廉耻要錢小民更何顧惜於是相率爲盜若上不欲則下不竊乃必然之應不容爽者

演季康子患盜要討個去盜方法問於孔子孔子對說假使子不要人的民也會學樣不要便賞他不肯偷竊

商

季康子問政於孔子曰如殺無道以就有道何如孔子對曰子爲

政焉用殺子欲善而民善矣君子之德風小人之德草草上之風必偃

〔測〕德風德草之德猶言行也上卽如字不必改尚字而加尚意自在其中

〔演〕季康子問政於孔子說有道的都爲無道所妨害假如殺了那無道的以成就那有道的於爲政怎樣孔子對說子旣爲政操了轉移的權何消用殺子若要善百姓便學樣一齊都善了君子的行事是那吹動的風小人的行事是那披靡的草草上有風來一定偃倒了那有個不依從的

〔商〕

子張問士何如斯可謂之達矣子曰何哉爾所謂達者子張對曰在邦必聞在家必聞子曰是聞也非達也夫達也者質直而好義察言而觀色慮以下人在邦必達在家必達夫聞也者色取仁而行違居之不疑在邦必聞在家必聞

測子張所問之達夫子疑他是聞所以反詰問之得其邦家必聞之言而後與他剖判達如水之盈科後進足此通彼漸漸通達之意聞是傳聞一人傳兩兩人傳三傳了開去其實未必有此事聞達迥異故不容無辨質乃木質宅心的所在要徑直不可有一毫委曲這質直全是好義觀察的張本若無此質直則做來雖合義卽與色取仁無異矣然天下直性的人每認真太

過不近人情處分未必妥貼。所以要好義。觀察下人。亦是好義中事。蓋義從人起。不從我起。察人的語言。觀人的顏色。把思慮去下人。正降心以體貼人情。得了人情。義中方有斟酌調停之妙。凡此皆以善成其直者。質直則我的心既無枉曲。而好義下人。則人的心又無拂戾。自然人都道好處。處處通得開去。在邦在家。俱必達了。色不只是顏色。凡顯露在體面上。爲人所見的。俱是取仁者。向人前做得十分親愛也。行雖該一身。既對色言。便將人見一邊別出。乃是人所不着眼處。行違則與仁相悖違。卽忍心害理的事。亦儘去做矣。然此若自己膽怯。便不免露出破綻。巧處專在居之不疑。自謂處世道理合當如此。儼然以仁者



自然更無疑惑。這既能熱面向人，又能矯情鎮物，人都被他哄過，也都道好。所以在邦在家亦俱必聞。

渾于張問士怎麼就好說得達了。夫子說何哉爾所謂達的。子張對說在邦也必定聞得他在家也必定聞得他。夫子說這個是仁聞不是通達。兩下真假各別，須要辨得分明。夫達的人他主實一味徑直，絕沒有回互心腸，而又喜好那合宜的義，察人言語觀人顏色，把思慮去下人，要體得人情，妥貼是這等做來。真懇自然行得開去，在邦也必定通達，在家也必定通達。夫聞的人把體面上的色義取了，那仁愛而實落所行却與悖違自認是同一理，畧不察其真偽，只裝得模樣，儘會哄動世人在邦

也必定傳聞在家也必定傳聞

○郭凝之問義字不專屬外如必察言觀色方爲好義則此心向人情上揣摩似乎義襲而取矣答曰孟子云義內也非外也固然易又云義以方外那是謂何洪應繼曰看字以字是把義去方外方如騁目義以就事而就事處總不外此心曰此亦是幹旋話而不知本文自不消幹旋是弄書若滯在一句一字上尋道理不去理會前後文如何得通徹蓋義以方外不是單舉的根上敬以直內說來卽此察言觀色亦是承着質直大抵直率的人只愁不會委曲那怕他迎合人情但肯在人情上體貼便是自己不存適莫正善於比義者○程汝揚問色與行旣以

人見不見分別。似外邊能得愛人。而切身處未必能克己者。故終成其僞。答曰。如此便似管子之一匡天下。而身為齊僭者。失子業許其仁。難以僞言。此還是媚世之鄉原。專在體面上打點。凡可表暴取名處。雖已亦必能克。凡不可表暴取名處。卽人亦未必能愛。只以見不見分別。較於真僞爲難。

樊遲問遊於舞雩之下。曰敢問崇德修慝辨惑。子曰善哉。問先事後得。非崇德與。攻其惡。無攻人之惡。非修慝與。一朝之忿。忘其身。以及其親。非惑與。

淵以遊觀時。爲考德問業之地。故夫子善其問事。卽進德功夫。得是得理於心。旣做功夫。豈不要得。但求得太驟。便恐做事固。

莽不着實故須當先做進德的事。急急趨上前去。至於得則直  
放在後面待他火候。自到不去輕易承當。則德自日漸造高了。  
這是崇德。慝是惡之匿於心者。最易護短。若攻時少有分心。便  
被他躲過。只一心攻己之惡。更不分心去攻人之惡。慝方搜剔  
得盡。無處藏匿。這是修惡。一朝之忿。不聞終身。不過霎時語言  
不合。意氣相左。只須忍耐片時。便好過了。他却縱着氣性使去。  
把身及親都忘了。不暇照顧。仔細思量。着甚要緊。這正是惑。  
〔演〕樊遲從夫子遊玩於舞雩之下。說道。敢問尊崇那德。修治那  
慝。辨別那惑。夫子說。當遊玩時。不忘爲學。善哉。這問當先做了  
進德的事。把得手。且放在後面。這便功夫逐漸造上去。不是崇

德麼。一心去攻自己的惡。更不分心去攻別人的惡。這便隱隱搜剔得出來。不是修惡麼。一朝的忿。極易過頭。却忘了自己的身。併及於親都忘了。這個着甚來繇。不是惑麼。

商

樊遲問仁。子曰愛人。問知。子曰知人。樊遲未達。子曰舉直錯諸枉。能使枉者直。樊遲退。見子夏。曰鄉也吾見於夫子而問知。子曰舉直錯諸枉。能使枉者直。何謂也。子夏曰富哉言乎。舜有天下。選於衆。舉皋陶。不仁者遠矣。湯有天下。選於衆。舉伊尹。不仁者遠矣。淵仁智皆心之德。但因他愛。故說是仁。因他知。故說是智。正是指其體段。不在作用上說。樊遲未達。照下吾見夫子問知。看只

是未達乎智。不識怎麼樣方能知人也。夫子說舉直錯諸枉。正是答他知人。因而說能使枉者直。連仁也都說了。但夫子不曾分別明白。所以樊遲猶未達。不免於子夏之問。子夏便曉得這句話該括得廣。故嘆其富。不仁者遠。是不仁之人皆化爲仁。若遠去了一般。舉卑陶伊尹。是解舉直錯諸枉。不仁者遠。是解能使枉者直。中間因有不仁在內。脂暗與仁相合。所以樊遲就曉得了。

「**演樊遲問仁。**」夫子說「親愛人是仁。」問知。夫子說「知識人是知。」樊遲不明白知人的方法。夫子說「把那直的舉用他。」諸凡枉的錯置了。便會使枉的人都變轉爲直。樊遲還不明白。退去見子夏。

問說始初我見夫子問知。夫子說舉直錯諸枉。能使枉者直。這是怎麼子夏說富哉包括得廣。是這句言語呵。古時舜有天下。選擇多人中。曉得皋陶是個仁的。舉起他來。那不仁的便看樣變過。都遠去了。湯有天下。選擇多人中。曉得伊尹是個仁的。舉起他來。那不仁的便看樣變過。都遠去了。夫子的話似不止單說個知。

商柴世埏問。愛人知人。何以謂是仁。知之體段。答曰。子試丟却愛人知人。別尋個仁。知體段來看。曰。能愛能知的心。卽是體。曰。此謂本體誠然。謂體段未然。能愛能知。若無所愛所知。以爲寄。則藏於未發。乃是渾然之性。故云本體是仁知之同源處也。今

既分別言之。則必念各有屬而歧途矣。孟子以不忍人之心言仁。不單云心。而必云不忍人之心。是卽愛人之謂。舍此則仁更無舉似處。知爲是非之心亦然。曰畢竟所愛所知之人。却在外。邊曰萬物皆備於我矣。如謂宇宙民物在外。而索之身內。則所謂愛者。將愛我心肝脾胃五臟六腑。而所謂知者。將知我爪生髮長筋轉脉搖耶。蓋宇宙民物雖在外。實吾心能愛能知之所寄。念頭起處。卽已遍乎六合矣。安得別之爲外。而指爲作用。曰愛人知人。既是體。仁知之用。是甚麼。曰用則見於事。如舉直錯枉。是知之用。能使枉直。是仁之用。○王五咸問未達。謂疑知之妨於仁。似亦有見。答曰。若疑知之妨仁。則告以能使枉者直。



正是知以成仁。極爲分曉。何又有子夏之問。且吾見夫子問知句。他原只指着知上。安得又牽扯仁來。曰。旣如此。則夫子止告以舉直錯枉足矣。何又言能使枉者直。曰。此必係成語。故連舉之。且尋常問答間。因此及彼者亦多。二語意義相屬。安在不可以類及耶。

子貢問友子曰。忠告而善道之。不可則止。無自辱焉。

告如字讀

〔淵〕對朋友不要只在口頭。須剖肝露膽去告他。然又恐他依不得。更須善巧引道。當於理而適於情。說得妥貼方便。如此旣盡了一了心。又盡了法。他猶以爲不可。乃是怙惡不悛的人。只該止了。不再去告。且道矣。自辱。不定是他來辱我。卽此言輕聽厭便辱。

沒了自己。

演子貢問友。夫子說。凡爲朋友的。把本心去告語。又不一味直致。善巧引導他。這等曲盡了方法。還不以爲可。就該止住了。不要說得厭煩。自討羞辱。

商陸運昌問。不可則止。還只止其忠告善道。抑竟與之絕交。答曰。止之字義。只是止其忠告善道。究竟論之。則世豈有不忠告。不善道。而可言朋友者乎。雖未必明言告絕。業已心棄之矣。曰。如此。恐於朋友太怱然無情。曰。若只一不可。便絕。則果是怱然。要須看上忠告善道。蓋已情真意竭。百計相規。而竟不得其入矣。夫子云。泛愛衆而親仁。朋友非泛愛之衆人。乃所親之仁。

人也。其道必肝膽相托。道義相成。利害榮辱相共。有善則勸。有過則規。豈有我諄諄言而彼漠漠聽者。今人於朋友。從交起時。便已泛泛。肺腸不相入。痛癢不相關。面是心非。背地裡便生議論。相見時却一味親熱。個個是好的。難道這也算做朋友。蓋他原不將個本心。將個道理在那裡相處。叫他止些甚麼子。莫謂不可則止。忽然日去。理會忠告善道。鄭尚友曰。人亦有一時執迷而積久。方悟者。若不聽而遽絕。何以開其自新乎。曰。此卽所謂積誠以悟之。寬歲月以待之已。該在善道內。且因絕而得悟。未必非不屑之教誨也。曰。朋友相處。尋常些小過失。寧必無各執已見者。若不可。亦須至絕交乎。曰。若小過則言之不聽。直置

之矣又何必忠告善道惟忠告善道故其事在必欲挽回而不可已者也

曾子曰君子以文會友以友輔仁

測此須提出友字看如今朋友相聚不過謔浪笑傲嬉戲終日全不把件正經事做故須以文去會集朋友文如詩書禮樂之文與之講習討究下句又轉一意說難道只在文字上卽以友輔我之仁蓋文是死本子上的惟與友相爲講究則顯六藝之精闢千聖之秘勸戒交加機鋒互起能使我神情勃發而心趣生機蠢蠢不能自己故爲仁雖繇我主張而相爲輔助實藉於友之力居多也

演曾子說君子會友不是開哄把個文章去會集朋友然又不只爲着文就把朋友來切磋補助我自心的仁

商吳希文問語意又重輔仁上句單爲下句而設似只宜畧過不必又作轉語答曰重輔仁固是但如羣居終日言不及義連文也未必有則以文會友一語自缺不得

子路第十三

子路問政子曰先之勞之請益曰無倦

淵先之勞之語意不知何指卽頂上爲政便是政要率先如所令當先其所好也政要勤勞如自朝至於日中曷不遑暇食也此只論爲政的人子路看得先勞容易故請增益不知遑銳者

必退速。其中正有可慮。無倦者。卽先勞之無倦也。此全靠一團精神爲主。精神若有倦。雖外面依着落套去做。中實懶散無味。精神必不足以鼓動矣。故須要無倦。此不在事之作輟。而全以心之勤惰論也。

演子路問政。夫子說爲政要當先做去。要勤勞做去。子路更請增益。夫子說莫道先勞容易。正恐日久耐煩。不過還須要沒有倦怠。

商

仲弓爲季氏宰。問政。子曰。先有司。赦小過。舉賢才。曰。焉知賢才而舉之。曰。舉爾所知。爾所不知。人其舍諸。

刑有司乃各有所司。先則備在。備去做待後來報成於我。可者  
允從不可者駁正。固未始廢總理也。過已是無心之失。小則其  
失更微。故直收除不問。故止小過。則大者實未嘗縱也。賢有德  
才有能。舉則從衆人中舉之在位也。三句本各開平說。第舉賢  
才一着獨難。故又有焉。知之問然。賢才雖不能盡知。但將爾所  
知者舉之。則人亦各各有知。誰肯棄捨以人之知。通我之不知。  
便知無不遍矣。此是教以知賢才之法。非謂其私而以公廣之  
也。

演仲方爲平氏宰問政。夫子說爲政要先任底職的。有司收除  
細微的小過。舉起有用的賢才。仲方說怎曉得賢才去舉用他。

夫子說你難道絕沒有曉得的。但舉你所知。你所不知。又必有人知他。其誰肯棄捨不舉呢。

〔商〕

子路曰。衛君待子而爲政。子將奚先。子曰。必也正名乎。子路曰。有是哉。子之迂也。奚其正。子曰。野哉。由也。君子於其所不知。蓋闕如也。名不正。則言不順。言不順。則事不成。事不成。則禮樂不興。禮樂不興。則刑罰不中。刑罰不中。則民無所措手足。故君子名之必可言也。言之必可行也。君子於其言。無所苟而已矣。

〔測〕待子爲政。是設爲之辭。以探夫子策衛之先著。正名者。當時衛甞不父其父。而稱其祖。故欲正父子之名。其間作用。胡氏謂



安輒立郢。此誠不通。惟陽明子所論。謂使其父子感化。交相遜。因而奉廟贖爲太公庶爲近之。必也是斷無出此之意。然下一平字。又是沉吟之辭。心裡要如此。亦料衛君之難從耳。自名不正。至無所措手足。歷舉名不正之害。皆是泛論。卽以衛事實之。言不順如衛輒以父爲仇。則號令國中。赴告列國。出口必不順。常事不成。如輒拒父而終見逐。後雖復入。又奔宋而死於越。終弗克成事。事得其序之謂禮。而今以孫禰祖以子拒父。次序安在。事得其和之謂樂。而今以子仇父。父亦仇子。和順安在。禮樂不興起矣。逆說者無罪。順說者加刑。刑罰不中矣。欲從逆而悖於理。欲不從逆而罹於法。民無所措手足矣。以衛事証之。言言

有可據者名之必可言也。應前名不正則言不順。言之必可行也。應前言不順則事不成。無所苟卽是正字語意而已矣。見只是一個正名便了。更無別法。卽是必也語意又與前必也正名乎相呼應。

〔渾〕子路說衛君若待子爲政。子將那一件做先着。夫子說必須要正得父子的名方好呢。子路說一向人道夫子迂。有是哉。子真是這等迂濶。這那裡是切緊的事。何消便去正名。夫子說粗野哉。乃由也。君子於那所不知且闕起不說。你怎曉得名不正的害處。名不正便出言必不順。當言不順便做事必不成就。事不成便禮無序。樂不和。不得興起。禮樂不興便刑罰亂加。不中

他罪過刑罰不中。便民要趨避。沒處措置他手足。名不正的害。是這等重大故。君子但有稱名。必定口裡好說得的。但有言說。必定事體好行得的。君子於那言。只是一個正名。無所苟且便了。那裡還更有他着。

〔商〕柴世基問。正名以陽明先生所論。庶爲近之。果如陽明之說。必須以至誠相感。一則痛哭奔迎。一則感動底豫。此在聖人當日作用。雖不可知。但以父不父子不子之衛國。一旦忽便能到此。倘此法行不去。當更有何法。答曰。此言良是。當日父子相爭。已爲常人之所不爲。而痛哭底豫。父子相讓。又乃賢人以上事。朔脂衛輒實亦未能。然此法既行不去。當更思其次。或夫子一

邇見衛輒動以父子之情。使知天下無無父之國。定該郊迎其父。一邊說蒯聵斷以亡國之義。不可復主社稷。縱因爲子之情。請其回國。而蒯聵自當讓位於子。中間又令衛之羣臣百姓。決要衛輒君國。而以太公奉蒯聵。以此想當日事勢。輒之忍於據國拒父。總以父得國已必失位。如其不失位。而但奉養其親。則誰無父子之情者。蒯聵之必於與兵爭國。總以子得國。父可強取而代。如其見臣民既不與已。而回來又得太公之義。則又誰無擇便之知者。如此則蒯聵與輒必各相聽從。而正名之法。或出於此歟。曰。如此調停極善。但似父子之間。不至誠相感。而以術相用矣。曰。在自已處父子之間。自當以誠。不以術。至爲。

他人父子間調停。我這點要他和好的心。難道不是出於誠。而當下善巧方便。不妨有作用之妙。與其任他兩下廝殺如寇仇。何如少用機權。令父父子子早得相安也。夫子無可無不可。夫何常法。豈如世之拘執名義而強人以必不能從者哉。方如騏曰。昔唐肅宗既復東京。遣使請上皇還京師。上謂李泌曰。朕已表請上皇東歸。朕當還東宮。復修人子之職。泌曰。上皇不來矣。上驚問故。泌曰。理勢自然。上曰。爲之奈何。泌曰。今請更爲羣臣賀表。言自馬嵬請留靈武勸進。今日成功。聖上思戀晨昏。請速還京師。就孝養之意。則可矣。上卽使泌草表。立命中使奉以入。其後成都使還。言上皇初得上表。彷彿不能食。欲不歸。及羣

既表至乃大喜命食作樂下詔定行日上召李泌告之曰皆卿力也此在肅宗雖未必出于誠意然李鄴侯處人父子之間權情度勢庶幾變而不拂于經矣似與先生之說意有同者曰是樊遲請學稼子曰吾不如老農請學爲圃曰吾不如老圃樊遲出子曰小人哉樊須也上好禮則民莫敢不敬上好義則民莫敢不服上好信則民莫敢不用情夫如是則四方之民襁負其子而至矣焉用稼○邢疏曰周禮註種穀曰稼如嫁女之有所生也樹果曰圃博物志云稼穡幾爲之以約小兒於音

〔測〕請學稼圃或因當世儒者五穀不分有自食其力之意不如老農老圃大人小事不相代若止論稼圃夫子誠不如矣禮義信必言好者蓋世亦有虛襲其迹如晉文大蒐以示之禮出

定襄王以示之義伐原以示之信。不本諸心而徒飾於事。如何轉移得人。故惟好禮好義好信。民乃始敬服悅耳。三個莫敢不。及四方之民。極言大人規模宏遠。俯視稼圃。相去不啻霄壤。又何足爲儒者道哉。故曰爲川稼。非以代耕有人。故不必用也。演與進請同學爲稼穡。夫子說稼是老農會得。我不如老農。又請問學爲蔬圃。夫子說圃是老圃會得。我不如老圃。樊遲不悟。竟出。夫子復說鄙瑣的小人哉。乃樊須也。這豈是上人做的事。上若好那端莊的禮。民那個敢不恭敬。上若好那合宜的義。民那個敢不輸服。上若好那真誠的信。民那個敢不用情實。是這樣敬服用情。四方的民雖多。必都襁負其子來歸了。有此大事。

業好做。怎用去爲稼。

〔商〕

子曰誦詩三百。授之以政。不達。使於四方。不能專對。雖多。亦奚以爲。

○那說曰。誦詩三百。則禮誼信文。日諷以養節之。曰。誦詩者。使適四方。皆試詩以見意。

測詩多詠民風。國政而其言是婉。故可通於政事。使命專對者。正使自能應對。不藉介使之助。

〔演〕夫子說誦讀詩篇多至三百。識了許多人情世故。乃授他以政事。不會通達。學了許多婉喻曲諷。乃使他於四方。不會獨自應對。是這等樣誦詩。雖多也要他何用。

〔商〕



子曰其身正不令而行其身不正雖令不從

訓

演夫子說其身端正。人有好樣得看。不消教令。自行得去。其身不端正。人也看了。不好樣。雖有教令。終不依從。只是自身要緊。商沈廷松問世之身不正。而以嚴令驅民者。民亦焉敢不順。何謂雖令不從。答曰。從正身看來。則令乃令之以正者。驅以事不敢不從。而驅以正。終不可強。然此非獨民之敢玩上也。卽自己出令。亦原未有真實要民爲善之意。但看如今官府告示。惟詞語簡樸。事理緊切者。纔是實要人聽的。若鋪排格套。裝點文彩。及體而上好事件。件說得

落要人去做。不過以虛文塗耳目而已。以此辨之。真毫髮不爽者。

子曰魯衛之政兄弟也。

〔洵〕魯衛本兄弟之國。是時三家僭魯。出公據衛。政之大綱俱失。而凡事陵替。亦各相同。然魯秉周禮。衛多君子。則遺教未泯。一變又均可至道者。故並舉而嘆之。

〔頤〕夫子說魯衛的政事。好反都不相高下。乃是兄弟也。

〔商〕

子曰衛公子荆善居室。始有曰苟合矣。少有曰苟完矣。富有曰苟美矣。

潮季札適衛。說公子荆等。以爲衛多君子。則子荆人品原佳。居室其一事耳。合是湊合罷來。卽是少有完。是件件齊備。卽是富有美。則更加精緻矣。苟訓苟且。乃胡亂將就之意。世人居室。心最無厭。未有時。百方營求。及至有時。又把現在不算。更要爬高上去。所謂人生不滿百。常懷千歲憂。終日營營。有何了期。惟公子荆隨眼前所得。都視爲過分。只此念。省多少經營馳逐之勞。長多少逍遙自得之趣。故夫子善之。

漢夫子嘗說衛公子荆最會處家。始初纔有些。他就說苟且。聚合了。須少畧有些。他就說苟且完備了。富足件件有他。又說苟且。美好了。是這等隨分易足。

商

子適衛冉有僕子曰庶矣哉冉有曰既庶矣又何加焉曰富之曰既富矣又何加焉曰教之

〔測〕夫子存心天下故偶觸衛民忽發庶矣之嘆便有得民而治之意富與教則爲治不易之經也

〔源〕夫子偶往衛國冉有爲僕御車夫子嘆說不想衛國百姓這等繁多庶矣哉冉有說既庶了又將甚麼加上去夫子說須要衣食不缺富足他冉有說既富了又將甚麼加上去夫子說須要曉得禮義教訓他

〔商〕

子曰苟有用我者。朞月而已可也。三年有成。

淵按史記。此爲衛靈公不能用而發。朞月。纔周足一月。朞月間。典利除害。彰善癉惡。大綱俱已振舉。民心亦翕然變動了。然止於朞月。我這邊作事。尚有勢未及達。民之智愚賢不肖。亦或參差不齊。未便成就得來。及至三年。紀綱畫一於上。風俗大同於下。方有成就。曰朞月三年。見隨試輒效。非漫然無當者。

淵夫子說。假使有能用我的。只消周一月間。政事已整頓得好。了。再到三年。治化必有成就。我也不是迂緩難見效的。

商孟師尹問。夫子自謂三年有成。至論王者。又云必世後仁。豈未仁可以言成耶。答曰。程子謂有成。是紀法有成而化行。仁是

治肌治髓而禮樂可興是固一說然觀夫子治魯齊人歸侵地  
羔豚不加飾男女別於塗掛者讓其畔三日間便能轉移得人  
心做出許大事業則三年之久或卽淪肌洽髓舉世皆仁亦不  
可知蓋王者之聖德不必便如夫子而夫子之緩來動和實有  
不可思議者曰夫子柄魯能化及國人而桓子魯君却又不能  
變其心事既不能格君相於三月則三年間豈便能使民俱格  
乎曰此却不同民乃我之勢力所可及而君相則我之勢力所  
不及德之流行亦必假於勢而後速如何一例論得

子曰善人爲邦百年亦可以勝殘去殺矣誠哉是言也

勝如字讀

測殘正與善相反本要梗化惟善人一味慈祥又加以百年之

久浸淮成俗殘暴那裡還使得出來是已爲善人所勝過了殺  
本禁殘殘勝殺自可去玩亦可二字舉世未必盡然止如漢文  
帝之幾至刑措者也此引古語而嘆以爲實然要亦聖人不得  
而思及善人之意

漢夫子說古語慈善的人爲邦到百年長久殘暴多應化轉也  
可以勝過得殘暴去殺不用了看起來誠哉可信是這句言語  
也

商

子曰如有王者必世而後仁

測王者是開天御世之主彼時經綸草昧始之以生聚繼之以

休養教訓一時自做不及必盡王者的一世而後仁仁者厚生  
正德盡人歸於立達正如周公輔成王制禮作樂太和在成周  
宇宙間者

〔演〕夫子說如或有行仁的王者作用也須漸入必盡他一世方  
纔人人向化天下一團都是仁

〔面〕

子曰苟正其身矣於從政乎何有不能正其身如正人何

〔測〕

〔演〕夫子說設使能端正其身了於做大夫從政就把這正身做  
樣子何難之有不能端正其身便要去從政正人也沒個把柄



怎奈這正人何。

商

冉子退朝子曰何晏也對曰有政子曰其事也如有政雖不吾以吾其與聞之

○耶疏曰冉子退朝指時冉有臣於季氏退謂罷朝於魯君也

則政是國政事是家事禮大夫雖致仕猶得與聞國政而獻納焉季氏專魯不使告老者得聞故夫子佯謂其事以隱刺之

演冉有退自公朝夫子說謂何遠等退得遲晏也對說有國政要商量夫子說一定是他的家事也設或有國政雖曰今不我用我曾從大夫後必定也把我知道來

商

定公問一言而可以興邦有諸孔子對曰言不可以若是其幾也人之言曰爲君難爲臣不易如知爲君之難也不幾乎一言而興邦乎曰一言而喪邦有諸孔子對曰言不可以若是其幾也人之言曰予無樂乎爲君唯其言而莫予違也如其善而莫之違也不亦善乎如不善而莫之違也不幾乎一言而喪邦乎

〔測數幾字都訓作幾幾言相近也不可幾與不幾乎二語似相矛盾蓋因定公求興邦於一言望得太易故以不可幾難其詞忽然轉入人言頓跌出如知爲君難一句於不可幾者而此獨幾之見此一言關係最爲吃緊如知爲君之難自然如集木如履冰不敢稍忽那何不興之有不必詳數爲君多費詞說反失

一言之旨。唯其言而莫之違。本是不好的話。又開出善不善兩路。以相形見不善。亦非有定局也。章內數幾字。數如字。數乎字。皆婉轉曲折。不爲執一之論。正使定公徐思而自得耳。

〔演〕定公問說一句言語。就可興起得邦國。有這等事麼。孔子對說。若言語不可一句便底幾得。獨有人的言說。爲君難。爲臣不易。這句言語。却說得利害。如或曉得爲君的難也。自然不敢輕忽。不底幾乎一言而興了邦麼。定公又問說一句言語。就喪亡邦國。有這等事麼。孔子對說。若言語不可一句便底幾得。獨有人的言說。予無樂乎爲君。唯其言而莫予違也。這句言語。却最宜斟酌。如其言善而莫之悖違也。依這句言去。便都是好處。不

也是善的麼。如其言不善而莫之悖違也。依這句言去。便都是  
不好處。不底幾乎一言而喪了那麼。

商

葉公問政。子曰。近者說。遠者來。

淵近悅遠來。教他體察民情。天下最易感者是民。未有民不喜  
悅向慕而可言爲政者。故於民情向背處。便可得爲政之方。

演葉公問政。夫子說爲政要近的人。親見喜悅。遠的人聞風來  
歸。都繫心於我便是。

商沈隱問。悅來畢竟是政之效。夫子何不舉其事以告。答曰。昔  
子貢曾執此爲問。夫子云。夫荆地廣而都狹。民有離心。莫安其

居。故云。政在悅近而來遠。其言蓋有所爲也。

子夏爲莒父宰。問政。子曰。無欲速。無見小利。欲速則不達。見小利則大事不成。○何註曰。莒父。魯下邑。

測欲速。是念頭急速。不循次第。只要完事得快。見小利。是些小利益。看的眼裡。放捨不下。既欲速。必過頭一步去做。不肯腳踏實地。不知空缺所在。卽爲病端。終被他牽絆住。做不通達。見小利。則精神力量。盡局於所見之中。外此遂不及照管。大事不能成就。此兩者。乃爲政之通弊。

孟子夏爲莒父宰。問政。夫子說爲政有程途次第。毋得要急速。有局面規模。毋得看見小利。務速便要急。及遲不得通達。見小

利便顧此失彼。大事不得成就。

商

葉公語孔子曰。吾黨有直躬者。其父攘羊而子證之。孔子曰。吾黨之直者。異於是。父爲子隱。子爲父隱。直在其中矣。

○何註曰。直躬。直身而行。有因

而盜曰攘。○呂氏春秋楚有直躬者。其父竊羊而謁之上。上執而將誅之。直躬者請代之。將誅矣。古史曰。父竊羊而謁之。不亦信乎。父誅而代之。不亦孝乎。信且孝而決之國。將有不誅者乎。荆王聞之。乃不誅也。孔子聞之曰。異哉。直躬之爲信也。一父而再取名焉。故直躬之信。不若無信也。

測直本無隱。何以相隱爲直。蓋父一定不忍言子之過。子一定

不忍言父之過。其本心也。若證說出來。不是沽名。卽是避禍。把

本心盡行曲折埋沒。而後有此。惟欲隱卽隱。直達本心。別無委

曲雖是隱而直却在其中矣。是脫去形迹而獨挑其一點不容已之至情。真刺骨之論。

〔演〕集公語孔子說吾黨有徑直其躬行的其父攘竊人羊其子爲證明他。孔子說吾黨的直異於爾黨。父爲子隱。瞽子爲父隱。瞽只這相隱便不將本心屈抑直就在這裡面了。

〔商〕

樊遲問仁子曰居處恭執事敬與人忠雖之夷狄不可棄也

〔測〕居處執事與人已盡所值之境。蓋仁在心不可捉摸故就境上指點使功夫有所持循。恭是端莊而不褻狎。敬是嚴恪而不懈慢。忠是真實而不欺僞。夷狄雖云非我族類其心必異然以

仁視之。何非一體。正不必因地起見。棄此恭敬忠之心。這恭敬忠。乃是仁之散見異名者。隨事隨地而皆然。則合之卽渾然之仁矣。

〔演〕樊遲問仁。夫子說仁就做在境遇上。居處要端恭。執事要嚴敬。與人要忠實。這三樣在家邦固然。雖到夷狄。與我異類。也要待如一體。不可含棄這恭敬忠也。

〔商〕張殷甫問。夫子說個夷狄不棄。不過要他常存心耳。意重雖之字。似不必以一體從夷狄上發揮。答曰。且問夫子教他存心。存在何處。曰。不過在居處執事與人上。曰。且道這三者又在何處。曰。不過在中國夷狄之內。曰。既如此。則中國夷狄卽在這三



者裡。這三者又卽在心裡。舉一夷狄。不過在心裡撮出一件來。說。豈夷狄獨是心外物。而舍此別去覓存。

子貢問曰。何如斯可謂之士矣。子曰。行己有耻。使於四方。不辱君命。可謂士矣。曰。敢問其次。曰。宗族稱孝。鄉黨稱弟。焉曰敢問其次。曰。言必信。行必果。硜硜然。小人哉。抑亦可以爲次矣。曰。今之從政者。何如。子曰。噫。斗筭之人。何足算也。

○朱註曰。硜。小石之堅確者。耶。說曰。斗。量名。筭。十升。

淵人自家有不慊意處。不消人來譴責。定然羞耻無地。人多埋沒了。不覺得。若行己有耻。提他做身子的主張。凡事皆質之耻心。則必自反而縮。浩然長伸於宇宙。此卽所謂做人有廉耻的。

了然若才局有限。幹辦事。謀不來。世界也。難靠他。故又說。使於四方。當時列國持危定傾。全憑使命。特舉此以律士。不辱君命者。詞令之有章。舉止之得體。生死利害之不屑。不撓於君命。有光。不差辱他。也是這樣。則立身既無破綻。用世又有作爲。是個完全的人品。可謂之士矣。宗族稱孝。鄉黨稱弟。以宗黨見之。必真。故取以爲據。孝弟爲百行之首。何反云次。蓋士須擔當世道。若止有孝弟。而他行無聞。只完自己身內事。於世上不得其利。益。故但可爲士之次。言不論該信。不該信。而必於信。行不論該果。不該果。而必於果。硜硜堅確。而不轉移。小人謂器識不大。然本心不欺者。抑亦可以爲次。又轉語以伸之。今之從政者。想當

時亦必列於士類而子貢有不足之意故舉以問斗筭是市儈之人爭多較少卽俗所謂提籃把秤者這樣人何足算數蓋論士原以體用兼全爲上次之孝弟則大德不虧信果則本心不墜亦是無用而有體者若今之從政則體用俱無自卑卑不足道矣

演子貢問說怎麼樣便好稱得做士了夫子說行動自己有個羞耻的心決不做沒廉耻事出使到四方又應對得體不羞辱君命這樣有體有用好稱做士了又說這樣人難得敢問那次一等的夫子說別事好不須求全要看宗族都稱他孝親焉鄉黨都稱他弟長焉大德斷虧不得的又說這樣人也難得敢問

再次一等的夫子說言必要信。行必要果。決。絕。然。固。說。的。小人哉。然却本心不欺。却亦。以。爲。士。的。次。了。又。說。如。今。現。從。政。的。人。怎。麼。夫。子。說。提。起。那。從。政。的。噫。這。等。斗。筲。市。儈。的。人。士。裡。面。何。足。把。他。來。算。數。也。

○商。施。惟。中。問。時。講。於。行。已。有。功。內。皆。言。上。不。愧。君。下。不。愧。學。爲。孝。爲。弟。必。信。必。果。俱。已。該。得。似。行。已。有。耻。只。論。他。本。體。好。孝。弟。信。果。尚。可。該。若。君。與。學。則。因。才。短。而。債。事。者。恐。難。言。不。愧。故。須。說。使。於。四。方。不。辱。君。命。纔。見。他。有。體。有。用。之。學。若。先。將。行。已。句。看。得。圓。融。似。於。四。方。句。反。爲。贅。詞。說。不。去。矣。答。曰。是。

子曰不得中行而與之必也狂狷乎狂者進取狷者有所不爲也

○中行是中路上走的。造詣未便到家。而眼界已定。脚跟已穩。功夫不走一線。與之是。與他入道狂狷。連功夫未必停當。而却有他好處。進取者。古之聖賢是。最上一等人。他直向前去。取止身來。此其志願最宏。只要教他功夫縝密。副其所願就好了。有所不爲。不是全然縮手。乃揀出那不好事。有所不做。此其操守最嚴。只要把他局面放開。廣其所守就好了。這都要說他長處。以見寄思之意。

○演天子說。要尋進道的。不得識中行走的人。與他同做。必須得個狂狷也好了。狂者進前。直取法。那古人狷者有所揀擇。不肯胡亂去做也。這都是有根器。好教導得的。

商肅士瑋問孔門如顏子。定是巾行了。狂如琴張曾皙。父皮。狷如原憲。曾不見夫子與之。而一貫獨寄之。惟魯之參。穎悟之賜。何也。答曰。曾子守約。原是個狷子。貢才達。原是個狂。既經夫子指點。則俱就中行路上矣。若琴張原憲。終於狂狷。故未見嘉與耳。曰。曾子弘毅之學。似非止於狷者。曰。曾子初時本質。還是日省其身。而弘毅則在已見道之後。曰。這樣說。中行已是有人。何用思想。曰。此或在曾子子貢未授一貫時發也。然人只爲看與之太嚴。便道得一二二人可已。不知聖人心腸。已不得人人上路。雖間亦有人。而眼前未能者多。要。不免仍發此嘆。曾文僊曰。狂狷畢竟止於資質。抑有功夫。曰。狂狷自有狂狷功夫。但他功夫。

只向狂狷一邊偏去。所以要剪裁歸於中行。曰。狷。其是有恒否。  
曰。不同。有恒是立心不變。如狂則狂得有恒。狷則狷得有恒。俱  
是。

子曰。南人有言曰。人無恒。不可以作巫醫。善夫。不恒其德。或承  
之。蓋子曰。不占而已矣。

測始終如一者。爲恒。無恒。則做事便多起倒。如何得有成就。以  
作巫則不能秉誠以格神。以作醫則不能精心以察病。故不可  
以作巫醫。善其言者。雖方言而理不可易也。不恒其德。或承之。  
蓋易恒卦九三爻辭。或自外來承者。奉承猶言奉承他些。蓋耻  
記者。因引易辭。故又以子曰別之。占易而玩其辭。則必知做是。

知不恒者必不占也。引方言及易詞以見徹上徹下俱必貴於有恒。

〔演〕夫子說南人有言說人若沒了恒常連巫醫這等小道也做不得。這句話說得有理。善夫又易辭不恒其德或承奉之以羞耻。夫子因斷他說易辭這等說得做省人乃無恒取羞蓋躁不占玩易辭而已矣。

子曰君子和而不同小人同而不和

〔測〕和如太和元氣寒不至於栗肌熱不至於炙手與人溫和可親絕無乖戾相嫌之意同如雷同窺覷人精神意向與他依附



做一團。絕無界限。可以自立。這和同。迹相似而實異。故從君子。小人以別之。

〔演〕夫子說君子一味溫和。像個同的。而却又不同。小人一味雷。同。像個和的。而却又不和。

商邵耿光問晏子所論和。謂君可臣否。如五味五音之相濟。似更明白。答曰。此和同。正要從相似處。別他出來。若如晏子之說。則和與同。形迹顯然不合。何用。夫子別白曰。晏子所論。既不是。則和與同。究竟似無別。曰。都俞吁咈。皆是和。若晏子則定取相反。只在吁咈一邊。故未爲完義。其所論同。却是。

子貢問曰。鄉人皆好之。何如。子曰。未可也。鄉人皆惡之。何如。子曰。

未可也不如鄉人之善者好之其不善者惡之

〔測〕古者取士於鄉。蓋其生於斯。長於斯。習聞習見。鄉人之好惡。最真。然狎習有素。則猜嫌易生。成心難化。鄉人好惡。又不必盡真。故一鄉之皆好皆惡。無全是。亦無全非。子貢非不曉得。特設爲兩端。以發夫子之論。至於鄉人之善者好。不善者惡。則同已者悅。異已者憎。其人之有善而無惡可知。此乃爲定論。

演子貢問說。一鄉的人都喜好他。這人怎麼。夫子說。恐衆好不。必都當。未便使得也。一鄉的人都憎惡他。這人怎麼。夫子說。恐衆惡不。必都不當。未便使得也。不如鄉人中善的。與他相投。喜好他。其不善的。與他相拂。憎惡他。只看那好惡的人便是。

商曹觀文問論人之法誠無過於善者好不善者惡弟仁人邦家無怨讎猶可行又作何法觀答曰邦家亦大無論耳究竟仁人何嘗無人惡他卽孔子削跡伐木便可見

子曰君子易事而難說也說之不以道不說也及其使人也器之小人難事而易說也說之雖不以道說也及其使人也求備焉

測世間有一等寬容的人易於事亦必易於說有一等嚴厲的人難於說亦必難於事如今易事的偏難說難事的偏易說一人之身而用情不同故以而字及其字爲轉語究他緣故君子爲着天下國家必廣集羣才以理衆職怎麼苛求得故易事而反此者難小人爲着一身則情欲嗜好種種皆可投故易說而反

此者又難。此君子小人之所以判也。

演夫子說。君子容易奉事。而難於喜說也。說他不把個道理。他只是不喜悅的。這樣該得難事了。及其使人也。又隨着器用待他。畧不肯求。小人頗難奉事。而易於喜說也。說他雖不把個道理。他也是喜悅的。這樣該易事了。及其使人也。又必求全備。絕無憐惜。

商

子曰。君子泰而不驕。小人驕而不泰。

測泰是自得。仰不愧。俯不怍。此身絕無牽絆。而舒卷自如。驕是做人任人有好處。他只不放在眼裡。一味把浮氣狂態凌駕過。

去此亦迹相似而實不同。

演夫子說君子舒泰自得。像個驕的。而却又不驕。小人驕傲凌人。像個泰的。而却又不泰。

商

子曰剛毅木訥近仁

測剛者有勁骨。可以任重。毅者有忍力。可以道遠。木如不雕之木。質樸天然。絕無令色。訥是言不出口。絕無巧言。剛毅可以任仁。木訥不至鮮仁。故皆與仁相近。

演夫子說人有剛。會硬得過的。有毅。會忍得過的。有木。不曾雕琢的。有訥。不好說話的。這四樣質地不壞。都近着本性的仁。

商賈宗政問木訥只是個質樸的人可說近仁若剛毅則夫子說根也慾焉得剛是剛者無慾曾子說毅能道遠是毅者無息無慾無息已是仁了而何以近言答曰無慾只是世間清品豈便得爲仁人毅能道遠乃正做工夫原非得手

子路問曰何如斯可謂之士矣子曰切切惻惻怡怡如也可謂士矣朋友切切惻惻兄弟怡怡○廣韻切到也博雅治骨謂之切師古曰如以刀切物廣韻惻惻相切廣說文強力也从人思聲

惻切切如刀之切物情義關切絕不放寬惻惻訓告之詳勉絕不忽略怡怡肅然和悅如字頂上三樣是他氣象如此氣象乃學問養成非一蹴可到似尤子路所難故言之耳朋友以道義

相交不是道義就不該交了。可以盡情深求得故屬切切。偲偲兄弟是走不開的。若責備太嚴他不能相從。反傷和氣。故屬怡怡。

〔廣〕子路問說。怎麼就好稱做士了。夫子說。切切。懇到的模樣。偲偲。詳勉的模樣。怡怡和悅的模樣。養得有這等氣象。便好稱做士了。然這個又不可樂施同道的朋友。要直該得切切。偲偲。同胞的兄弟。要和該得怡怡。

〔商〕

子曰。善人教民七年。亦可以卽戎矣。

〔可〕善人教民。不是教他講武。乃教他爲善。卽修其孝弟忠信者。

也教至七年之久民亦爲善所感能得親上死長可以卽戎  
卽所謂可制挺以撻堅甲利兵者也玩亦可字原非專爲卽戎  
而發蓋舉一件極難的事以見善教之得民耳卽訓就

演夫子說慈善的人教導民到七年長久民爲善所感動便死  
也不避亦可以卽就兵戎了

商呂人龜問同一善人七年使可卽戎而勝殘必以百年何也  
答曰卽戎只意氣感激便能奮不顧身若勝殘則已滲入肺腑  
移其志念

子曰以不教民戰是謂棄之

測教字卽上文教字戰者置之死地而後生揠得死方能取勝



不教的民不曉得親上死長一味貪生反至取敗故謂棄之。  
〔顏〕夫子說把不教導的民去戰爭一定貪生取敗這只教做拋棄了他。

〔商〕

憲問第十四

憲問耻子曰邦有道殺邦無道殺耻也

〔訓〕爲仕則有道當建明無道當拯濟卽不仕而其具亦須豫辦。那一時不有事做單言一殺者絕不做事時時只吃些飯過日子也。此不但食君祿卽家食亦是殺字只照本字不必作祿字解。因憲有守無用故以此耻篇之。

適原憲問人的羞耻。夫子說那國好的時候也沒些事做。只曉得吃飯。那國不好的時候也沒些事做。只曉得吃飯。這等人枉生在世上。好羞慚也。

商

克伐怨欲不行焉。可以爲仁矣。子曰。可以爲難矣。仁則吾不知也。註疏將此與上文合爲一章。

淵克伐。怨欲。是原憲說的。因與上相連。故不復用憲問字。克如克某城。去降伏他。伐如伐某國。去攻討他。皆是勝之之意。怨者。怨恚。欲者。貪欲。這兩件原是學問的大病痛。克伐了。怨欲制住。他使不得行。可以爲仁矣。字已直許他是仁了。不知此乃消

除氣習的功夫。不是仁道得手的究竟。蓋仁者先難後獲。人當習氣發起時。能降伏得他住。實是煩難。然方做功夫。制於東者。未必不發於西。尚不能打成一片。如何便定他是仁。故曰仁則吾不知。原憲之克伐怨欲。卽是顏子之克己。但顏子有個復禮在。是有頭腦的學問。故其功夫直截。原憲只去克伐怨欲。是無頭腦的學問。故其功夫迂迴。乃是根器之鈍劣。故功夫不能直入。而非可盡謂錯用也。

原憲問說克伐了心下的怨欲。使他不任情去行。這是能克己。便可以爲仁了。夫子說怨欲最難降伏的。今會制得他住。可以爲難了。若道他是得手的仁。則教實不能得也。

商羅伏龍問原憲顏子既有有頭腦無頭腦之別則其克己功夫畢竟是同是異答曰有頭腦克己是提宗泐無頭腦克己是對治泐頭腦既不同則其克己功夫雖同而實異矣李佐曰爲仁既該提禮作主夫子何不直截教他聽他迂迴去做曰教人必因其分量若個個可教以復禮則仲弓樊遲都該一樣答了。究竟頭腦要曉得而語上語下之教固不輕發於未憤悱時也陳曰僕曰仁者先難後獲其主意已定在仁上今憲止於怨欲不行未知頭腦則此難與先難難字功夫亦似有別曰說個可以爲仁他亦是以此求仁難字原無分別但他遽認作仁則是未知後獲之義耳

子曰士而懷居不足以爲士矣

測品格超於凡民之謂士。他自有極重大極要緊的事在心上。那有功夫去閒想懷居則所處之便安。尚且着念。怎能做得人品來。故不足爲士。

濱夫子說做士的志趣必定高遠。若懷念着居處便志趣爲他所局算不得做士了。

商

子曰邦有道危言危行邦無道危行言孫

測危是危險不安。凡利害關係所在。冒險去說冒險去做。如孔子誅少正卯。誅蔡夷告季氏。則云苟子之不欲。這是危言危行。

無道之危行言孫者。行以立身。不可改易。言以接物。便遜讓無妨。此不獨爲吾身免禍。而且以調停時事於萬一。如請討陳恒。是行危而言則止。謂從大夫而不敢不告。又何遜也。然在聖賢胸藏定識。用險若夷。何危之有。第以衆皆推遜。而此乃挺然獨當。故以危云之耳。

演天子說。那國好的時候。須危險。那言語危險。那行事略無些畏避。那國不好的時候。固仍舊危險。那行事若言語便遜讓些。也自有個善用的方法。

商

子曰。有德者必有言。有言者不必有德。仁者必有勇。勇者不必有

仁

測德本躬行。原不消在口裡說。然就把來說。亦是他心裡實有的。如數自家寶了。了分明。必定有言。若只在口裡會說。或是那裡聽過。見過。非從中心發出。故不必有德。仁與天下爲一體。若抑遏我一體之念。便如自身受傷。激發起來。其孰能禦。必定有勇。若只外面激發。或是假借名義。未必出於中心。故不必有仁。此蓋恐言勇之亂德。仁而欲人之撰其本也。

漢夫子說有德的。將心得說來。便是必定會有言。有言的。恐只在口頭。不必定有德。能仁的。有好念。遏他不得。必定會有勇。能勇的。恐只在氣魄。不必定有仁。不可把真的被假的混了。

商

南宮适問於孔子曰羿善射。彘盪舟。俱不得其死。然禹稷躬稼。而有天下。夫子不答。南宮适出。子曰。君子哉。若人。尚德哉。若人。○何  
适南宮敬叔。魯大夫。羿有窮國之君。篡夏后相之位。其臣寒浞殺之。因其室而生。莽莽多力。能陸地行。舟爲夏后少康所殺。禹盡力於溝洫。稷播百穀。故云躬稼。禹及其身。稷及後世。皆王。

則南宮适之問。似不了語。而意溢於言表。羿善射。彘盪舟。有這等才技。真可以凌壓一世。保此首領。何難。却皆被誅戮。不得其死。禹稷躬稼。是以百畝爲憂。所謂拙業者也。而倒有天下。可見才技之工拙。全不足憑。所以轉移此者。自別有所在其意。分明指着肆惡與修德。而却不明言。正可令人溪長思者。夫子不答。



器以言利得趣處止須會意不必多言初非有所忌諱也然又有味其言故於既出而後嘆賞之君子是論他人品尚德是論他心事唯尚德所以爲君子非有兩樣然字連禹稷讀乃反上起下之詞

演南宮适問於孔子說羿最會得射箭暴在地上推盪舟楫都被誅戮身不得其死有絕技的尚爾那守拙的更難自立了然禹稷却又躬自耕稼而有了天下人的巧拙是這般作不得准夫子兩下心照不答他南宮适出去了夫子後嘆說看起他說話來有德的君子哉是這個人尊尚有德哉是這個人

商

子曰君子而不仁者有矣夫。未有小人而仁者也。

測君子以天下爲念。而小人只知有自身者。人品原從此分。心事亦從此判。君子本是要爲天下。然或習氣難除。私心難化。間亦有不仁愛處。但造詣雖未純。無傷於其人品。故尙謂之君子。小人既只曉得自家。則心事如何通得去。伎倆如何放得開。一身之外。漠然絕不相關。故決未有仁。此斷其平日用心。而非以一念之離合論。

演夫子說。君子本是與人一體的。但念頭未純。不仁愛的所在。也有矣。夫決未有只顧自己的小人。倒能仁愛者也。

商曰。兆祥問。小人雖汨沒已甚。未有絕無良心者。何以斷其仁。

之必無答曰。小人反是無心所觸。亦有仁時。一涉有心。便種種  
自私。故無心時全作不得准。周夢熊曰。小人之不仁。既以有心。  
則君子之不仁。豈以無心乎。曰。又不盡然。人私心從有生帶來。  
千磨萬鍊。難以銷鎔。雖有心克他。而仍以有心。不能使之盡化。  
然謂有矣。夫則亦偶然。或露千百中之什一耳。豈至理欲抗衡。  
而可以言君子哉。余藻曰。君子路頭不同。或只克得一身嗜欲。  
或只成得自己名節。實未必有天下一體的念头。君子不仁。或  
是此一等人。曰。無天下一體之念者。雖他行好。仍是硜硜小人。  
恐算不得君子。

子曰愛之能勿勞乎忠焉能勿誨乎

測能勿字。平字是商度之詞。愛了他。還能得勿勞。不能勿勞。忠了他。還能得勿誨。不能勿誨。試薄度看。若勿勞。聽他放逸怠惰。我愛他的心。還過得太。勿誨。聽他唯言莫逆。我忠他的心。還過得太。有何不可。如其不能。則愛怎免得勞。忠怎免得誨。一腔不得已之苦心。實無限輾轉反側。夫豈沒然而出者。此是泛論。不必分貼愛子忠君。

演夫子說勞與誨。人都是怕的。但心下喜了他。會得不加勞苦麼。本心爲着他。會得不加教誨麼。這一段要耿耿不得的心。真好難過。

商

子曰爲命裨謀草創之世叔討論之行人子羽修飾之東里子產

潤色之○註曰裨謀鄭大夫世叔卽子大叔游吉行人掌使之官子羽公孫揮子坐居東里因以爲號○左傳襄公三十

一年北宮文子相衛襄公以如楚過鄭文子入聘子羽爲行人焉

備子與子太叔逆客事畢而出言於衛侯曰鄭有禮其數世之留

也其無大國之計乎子產之能政也擇能而使之焉簡子能曠大

事子太叔美秀而文公孫揮能知四國之爲而辨於其大夫之族

姓莊位貴賤能否而又善爲詞令裨謀能謀於野則獲謀於邑

則否與國將有諸侯之事子產乃問四國之爲於子羽且使多爲

詞令與裨謀衆以適野使謀可否則告馮簡子使斷之事成乃授

子太叔使行之以應對賓客是以鮮有敗事

測草創是創始個草槩起來討論是討求他典故議論他當否

修飾謂冗濫者修除不足者增飾潤色謂潤澤而不枯稿采色

而不質素一詞命而備諸賢之長誠可謂盡善故應對賓客鮮

有敗事

〔演〕天子說鄭國做聘問隣邦的辭命裨諲創起個草稿來世叔討論他事體停當行人子羽修飾他多寡適均東里子產潤色他有文彩好看是這幾個人大家做成的

〔商〕

或問子產子曰惠人也問子西曰彼哉彼哉問管仲曰人也奪伯氏駢邑三百飯疏食沒齒無怨言飯食俱如字讀○朱註曰子西收紀其政亦賢大大也然不能革其僭王之號昭王欲用孔子又沮止之其後卒召白公以致亂則其爲人可知何註曰駢邑地名齒年也

〔測〕此總是微顯闡幽之意子產之治鄭禁侈崇儉作封洫鑄刑書政本尙嚴然以鄭之侈縱不如是不足以挽回其風俗保全

其生命實是愛他。故謂之惠人。子西能改紀讓國。本楚之賢太夫。夫子都置不道。而但曰彼哉彼哉。猶言是他那裡。蓋雖有好處。總非我臭味中人也。其意必爲楚國僭王。而其大夫不能救正。故併外之。人也。猶言是個人品。真所謂頂天立地漢子。奪伯氏駢邑。不是奪以與仲。乃伯氏有罪。而仲奪之。夫管仲北伐山戎。南摧勁楚。一匡九合。功業爛焉。夫子他皆不論。而獨言此。蓋以威勢屈人之力。易以處置服人之心。雖後世唯諸葛武侯能使李平致死。廖立垂泣。今伯氏沒齒無怨。則管氏生平作用。夫豈徒假仁仗義已哉。亦自有以深服人心處。

演或人問子產。夫子說他的政尚嚴。皆爲着用愛。乃是惡人也。

問子西夫子說他的好是彼處哉是彼處哉問管仲夫子說這真是個人也他奪伯氏的駢邑三百戶伯氏飯只蔬食直到沒齒年齒再沒有怨恨的言語這豈容易服得

商柴世挺問夫子外子西時說俱謂春秋外夷秋之意今講何以止從僭王上看答曰春秋只是尊王並無外夷秋意今考春秋所載凡侯伯子男僭稱公者生前俱書本爵死後卽稱其所僭之爵如宋公和卒葬宋穆公是以公稱公而無僭者也蔡侯考父卒葬蔡宣公是以侯僭公者也鄭伯寤生卒葬鄭莊公是以伯僭公者也滕子廋母卒葬滕隱公許男成卒葬許元公是以子男僭公者也夫子於葬時亦皆與之惟獨僭王號者爲楚



與吳。其書則如楚子旅卒。楚子審卒。楚子昭卒。楚子麇卒。楚子居卒。楚子軫卒。吳子乘卒。吳子遏卒。吳子夷昧卒。皆書本爵。及葬。竟削而不書。蓋當以意度之。侯伯子男。僭公猶在。臣列侯服之內。追葬則加以謚。又爲後人所追贈。故生前旣正其本爵而死後卽假以空名。亦無不可。若僭王則上與天子敵。抗君臣之名義。斷不容稍假。故如楚與吳。必重損之。至如攘夷狄。則當時秦亦楚類也。乃書葬秦景公。葬秦哀公。葬秦惠公。秦本伯爵。皆與僭而不削何耶。且刪書皆帝王之事。至取秦皆終篇則更不可解矣。蓋吳秦伯之後。楚嚮融之後。皆聖賢苗裔。其子孫能昌大其國家。至春秋會盟征伐。無一不與上國相通。則用夏變夷。

正聖人所取而安得攘之。以此知尊王乃夫子作春秋本旨。今反畧其大者而以攘夷小見混入於內。是豈識輕重之等者哉。徐世濂曰。戎狄是膺。荆舒是懲。孟子引來。分明指荆舒爲戎狄。曰此棘頌祭僖公之詩。鄭箋謂僖公與齊桓舉義兵。北當戎與狄。南艾荆及群舒。荆舒與戎狄既有南北之分。原非一類。況此乃孟子借來闢許行者耳。好辨章又借來闢楊墨。則其爲權用而非有實義可知矣。曰夫子謂微管仲。吾其被髮左衽。則稱仲實在攘夷。安知春秋不卽此意乎。曰被髮左衽。必指山戎白狄之類。若楚則在春秋時。聲名文物與中國埒。原無有被髮左衽之事。且此亦止是稱管氏功業耳。春秋一書。豈專爲管氏設者。

而足相比例也。

管東冥曰。武問管仲子產孰優。朱子曰。管仲之德不勝其才。子產之才不勝其德。然於聖人之學。則幾乎其未之有聞也。吾考春秋之世。先王六德之教猶存。孔顏之學未嘗不在宇宙間。特不若後儒之張道橫耳。子產以博物君子聞。而管仲志行風俗之道。其學必有所本。豈從六德遺教中來耶。夫子高其人品。亦不徒以事功較量而已。然竟不與其爲上佐何也。雖曰道未粹白。亦其時下也。時入東周。蓋臣雖欲踐跡十風。難矣。故多迂身以行。思後儒類知聞道之爲學。不知藏悟顯行之爲古學。乃樂以不學。卑百代珠。絕人物。亦異於孔子仁管仲之旨矣。

子曰貧而無怨。雖富而無驕易。

淵人當處貧。啼饑號寒。室人徧謫。非真能樂道。有充然自得之趣者。難免咨嗟若處富而揚揚得意。賣弄人前。不過一輕薄小人。少知自好者。卽能不爲。故有難易之別。

〔演〕夫子說貧窮沒有嗟怨要在自身上排遣最是艱難。若是沒有驕傲只須加人處收斂却是容易。

〔商〕

子曰孟公綽爲趙魏老則優不可以爲滕薛大夫

○何註曰公綽魯大夫趙魏皆

晉卿家臣稱老滕薛小國

〔淵〕孟公綽素有不欲之操而又能知崔杼伐我之速歸則亦非無識者。特其守優於才耳。夫子借滕薛言其不可爲大夫。先以優爲趙魏老抑揚之。蓋不欲因所短盡沒其長也。趙魏老以家大勢在我而易行。凡有守者即可能。滕薛大夫以國小勢在人而難禦。非有才者不易辦。

顏夫子說孟公綽這箇人若把他做趙魏大家的老他才幹容易使便還有得多餘只是不好做滕薛小國的大夫恐才幹支撐不來

商

子路問成人子曰若臧武仲之知公綽之不欲卞莊子之勇冉求之藝文之以禮樂亦可以爲成人矣曰今之成人者何必然見利思義見危授命久要不忘平主之言亦可以爲成人矣何註曰武仲魯大夫臧孫紇莊子卞邑大夫久要舊約也

淵智廉勇藝不是要他兼備看一若字亦字是只須像臧武仲公綽卞莊冉求各人的所長加上禮樂便俱可做得成人禮者

閑之以中正之矩。樂者陶之以和平之養。文乃文師以學問陶  
銘其本質也。成人全重文禮樂上。若不是禮樂。則武仲要君公  
綽不可爲大夫。卞莊刺虎。冉求賦歛。把才技都用錯了。怎能得  
成就。今之成人者。以下辭氣激烈。又有一曰字。乃是子路所對。  
蓋夫子舉武仲諸人。原就今人中。勉以學問。子路便承上說。今  
人何須禮樂。只能信義無虧便好了。乃就論世而互相商確。非  
自表其所能也。但夫子則造就之情深。而子路則感慨之念切  
耳。今之成人。以下採榮世基解。

子路問完成的人。夫子說。成人甚麼難。只要像目今臧武仲  
的知識。孟公綽的不貪欲。卞莊子的勇敢。冉求的藝能。隨那一

件能文飾上中正的禮和平的樂。把才質陶鑄成就。也便好做箇成人了。子路對說。若目今的成人。何消過望。他文禮樂。只是見了財利。便想着道義。見了危難。便授與他身命。長久要約。必定去踐。不忘記了平生的言語。肯這等信義不虧。也就好做得成人了。

（商）江可思問。成人品格甚大。畢竟兼眾長然後可。恐非一節造到好處。可輕許得。答曰。聖人商人品。止論學問。不論質地。必要質地相兼。則短長原屬天分。豈容人力增得。且語氣亦原無相兼之意。孟師尹曰。若說一人要兼眾長。誠難。至卑以一節論。則如公綽。文之以禮樂。亦不過廉之盡善。終短才能。天下有可無

作用之成人乎。曰：使公絕幾列伯夷之清，難道不得成箇人品。○方天眷問學問以實不以文，此禮樂何以文？言終曰：對智廉勇藝之質地，故以文言。以質生文，正彬彬者，非所病也。

子問公叔文子於公明賈曰：信乎？夫子不言不笑，不取乎？公明賈對曰：以告者過也。夫子時然後言，人不厭其言；樂然後笑，人不厭其笑。義然後取，人不厭其取。子曰：其然，豈其然乎？何註曰：文子衛大夫公孫步。

○測公叔文子是衛之賢大夫，當時稱其不言不笑，不取，特形容之辭，而必有其實。故夫子問之公明賈，乃賈所對，則皆發必當，可有以深中乎人心，更非養到者不能，尤令人難信矣。其然，豈其然？總因不得其實，而且信且疑，非定是譏刺也。



齊人子問公叔文子於公明賈說聞得夫子不言不笑不取果  
然是這等麼公明賈說把這箇說話來告的武過當了夫子只  
是遇着時候方纔言人恰好要聽自不厭煩他的言遇着喜樂  
方纔笑人恰好都喜自不厭煩他的笑遇着合義方纔取人恰  
好要與自不厭煩他的取夫子也只是箇恰好夫子說他果然  
是這等恰好恐恰好更是難事未必他是這等麼

商

子曰臧武仲以防求爲後於魯雖曰不要君吾不信也

○何註曰防武仲收

邑爲後立後也○左傳季孫攻臧氏臧紇斬鹿門之關以出奔齊  
臧孫如防使來告曰紇非能害也知不足也非敢私請苟守先祀  
無廢二勲敢不避邑乃立臧爲臧紇致防而奔齊

○測以防二字是斷案武仲既已奔邾只宜在邾請防乃如防以請分明有據邑以叛之意人或因飽辭遜不以爲要君夫子獨誅其意如此。

○演夫子說滅武仲把防邑求立後嗣於魯他請詞像箇謙的據邑實有所挾人雖說不是強要君上我看來却不信也。

○商

子曰晉文公謫而不正齊桓公正而不謫

○測桓文皆尊周以稱伯其謫正之事須論其大者桓公如葵丘之會定太子以安王室名義甚正大文公如踐土之盟乃召天子以會諸侯計謀不免詭譎至於小事亦可類推。

漢夫子說晉文公的行事詭譎而不端正齊桓公的行事端正而不詭譎同一伯業作用也各有辨

商

子路曰桓公殺公子糾召忽死之管仲不死曰未仁乎子曰桓公

九合諸侯不以兵車管仲之力也如其仁如其仁○邢疏曰言九

之會三乘車之會六殺黎民不愛之會十有一不取北杏及陽穀  
為九也○左傳莊公八年齊公孫無知有亂謀殺公子小白出奔莒  
齊公立無常鮑叔牙曰君使民慢爾將任矣○左傳公子小白出奔莒  
亂作管仲與召忽奉公子糾來奔九年春齊桓公殺無知夏公伐齊  
納子糾桓公自莒先入師叔帥師來言曰子糾親也請君討之管  
仲佐也請受而甘心焉乃殺子糾於生賓召忽死之管仲請囚鮑  
叔受之及堂阜而稅之歸而以告曰管夷吾治於高傒使相可也  
公從之○國語桓公即位數年東南多有淫亂者萊莒徐夷吳越  
一戰師服三十一國遂南征伐楚濟汝踰方城望汶山使貢絲於  
周而及荊州諸侯莫不來服遂北伐山戎制令支斬孤竹而南歸

海濱諸侯莫不來服與諸侯臨牲爲載以約誓於上下庶神與諸侯戮力同心西伯撫白翟之地至於西河方舟設泝乘桴濟河至於石抗縣車東馬踰大行與碑耳之繇拘夏西服汴沙西吳南城周反胖於絳撤演諸侯莫不來服而大朝諸侯於陽穀兵車之屬六乘車之會三諸侯甲不解繫兵不解解發無弓服無矢隱武事行文道帥諸侯而朝天子唯能用管夷吾而伯功立

測子路之責管仲其言亦自正同事一君而有死有不死則其心或未免傷忍未仁乎者疑之也因前叙事而以已意斷之故加一曰字夫子把他的該死不該死直置不論而但發明其仁當時列國紛爭百姓肝腦塗地若要止殺還須大殺戮一場今桓公九次會合諸侯皆是衣裳之會不消用着兵車不知省了多少戰爭保全了多少生命這等仁愛那箇如得他來事雖在桓公而謀畧出自管仲故言管仲之力打到他身上而再言如

其仁以嘆許之。

顏子路說管仲召忽同事公子糾桓公殺公子糾。召忽死了。管仲不死。看起來他心下殘忍。未得爲仁麼。夫子說桓公九次會合諸侯。不消把兵車去制伏。都是管仲謀畧的力也。這等保全天下。那箇像得他的仁愛。那箇像得他的仁愛。

商徐時泰問夫子之取管仲止爲其濟世功高。若論君臣之義。終恐未是。答曰。人於處死。須看事體。如當君與社稷俱亡。自無苟活之理。所謂君爲社稷死。則死之。爲社稷亡。則亡之。是也。此時而屈節事仇。雖勲高千古。難逃名教之誅。若子糾小白均出於公子耳。卽世子之位未定也。未見確是何人。該立當爭入時。

兩人對壘。仲爲子糾死於兵刃。固自宜然。及小白先入得國。則社稷有主。而國之群臣百姓。業已君之矣。子糾一身無關宗社重輕。仲又何必定以死狗。惟仲所處。原介在可以死。可以無死之間。而功實超軼千古。故夫子直畧其不死而稱功。後世若趙普。躬與陳橋兵變之謀。推戴新主。以圖富貴。後又阿順太宗。使廷美德昭。不得其死。乃先儒列之名臣言行錄內。且稱趙韓王有仁者之功。欲以比跡管氏。嗟乎。管氏大義。其肯食普之餘哉。子貢曰。管仲非仁者。與桓公殺公子糾。不能死。又相之子曰管仲。相桓公霸諸侯。一匡天下。民到於今受其賜。微管仲。吾其被髮左衽矣。豈若匹夫匹婦之爲諒也。自經於溝瀆而莫之知也。

○邢疏曰。霸。把。

也。諸侯把天子之政也。微無也。社謂衣衾。

○淵子貢發問。每深入一層。說不能死。已是不該。又相之。更解說。不去。不知管仲的相。若爲着一身富貴。果是天下之罪人。他的相。實是爲天下。霸訓把。乃把持諸侯之政。匡訓正如申五命之詞。是也。管仲管伐白翟山戎。一匡天下。在懷夷狄居多。故謂微仲而被髮左衽。仲之功業。是這等大。不在乎一死。匹夫匹婦。是卑身一箇。無天下之念者。諒。是避忌嫌疑。要此心見諒。莫之知。是無功業。可表見。夫子只要仁天下。故所重在濟世功勳。而一身名節。直小視之。而不與同日道也。

○演子貢說管仲。恐非是仁者。麼桓公殺公子糾。他不能身死。已

不是又去輔相虧他心下忍得去。夫子說管仲相桓公不是小可的做作。他把桓公稱霸諸侯一總匡正天下民自當初直到如今受他恩賜。若沒有管仲。世界都是夷狄的。吾其被髮左衽了。他一心爲着天下。豈肯像那卑身的夫婦爲要信諒便自經死在溝瀆中。沒有箇人曉得他也。

商湯自新問匹夫之諒。似暗指召忽忠義非劣於事功。何爲夫子反伸伸於其上。答曰。律以仁道。則救天下生命之事大。全一身名節之事小。死而名節無愧。死固好。不死則留其身以有爲。身受不諱之名。而天下可藉我以有濟。所係尤有大焉者。夫爲保全天下。甘於污蔑自己。此誠仁者之用心。而夫子之論管仲。



及此夫豈容輕議曰管仲稱仁誠如所論若召忽之死亦不爲小節何故以匹夫匹婦小之卽非明指豈得不暗相妨礙此處終覺費解曰固不必指定召忽卽指之亦非有貶諒乃見諒之諒要人人信我得過談何容易如今人滿身都是曖昧可信者何在此等節義若以些小功業較之自難相匹唯論仲說到一匡天下非仲則被髮左衽便覺關係最大夫子只是要救濟天下故以視死節猶爲小事耳若假借功業之名曲濟苟免之實則又召忽罪人安得援仲爲口實也

公叔文子之臣大夫俱與文子同升諸公子聞之曰可以爲文矣檀弓公叔文子卒其子成請諡於君曰日月有時將葬矣請所易其名者君曰昔者衛國凶饑夫子爲粥與飯之餓者是不亦

患乎昔者衛國有難夫子以其死衛寡人不亦貞乎夫子聽衛國之政修其班制以與四鄰交衛國之社稷不辱不亦文乎故謂夫子貞惠文子

○測公叔文子之得謚止以能修班制使社稷不辱之故至其舉  
儀衛人反畧而勿道夫子偶聞此事而稱其無愧於文蓋深嘆  
忘分薦賢爲人臣第一美行耳

○適公叔謚文子的其臣大夫名儀與文子同升於公朝夫子聞  
得說只這一事何等光明俊偉便好算得是文了

○

○言衛靈公之無道也康子曰夫如是奚而不喪孔子曰仲叔圉  
治賓客祝鮀治宗廟王孫賈治軍旅夫如是奚其喪

測仲叔圉卽孔文子。逐疾妻遺。祝鮒佞。王孫賈諷媚竈。皆夫子所不取。而其才各有所長。靈公用之。足以保國。可見國家器使之不可已也。

演夫子言衛靈公的爲君沒道理。康子說既是這等。怎麼不喪亡。夫子說他會得用人。仲叔圉管應對賓客。祝鮒管奉祀宗廟。王孫賈管訓練軍旅。既是這等。國家大事都付托得停當。怎麼他得喪亡。

商

子曰其言之不怍則爲之也難

測言之不怍。照爲之難看。乃是未行而先言者。這便覺得顏面

上難過有個出口羞慚的意思蓋恐空言之未必能剛也若不  
作則像口說山原不會在事上體驗故料其爲之必難執此以  
察言觀人斷無一爽

演夫子說他說話出來沒些羞慚便決是不照顧前後的要去  
實做畢竟煩難

商

陳成子弑簡公孔子沐浴而朝告於哀公曰陳恒弑其君請討之  
公曰告夫三子孔子曰以吾從大夫之後不敢不告也君曰告夫  
三子者之三子告不可孔子曰以吾從大夫之後不敢不告也

左傳齊簡公之在魯也闕止有寵焉及卽位使爲政陳成子憚之  
驟顧諸朝五月壬申成子殺我庚辰執公於鄆州甲午弑之孔  
論語湖南集

丘三日齊而請伐齊三公曰魯弱齊強久矣子之食之將若之何  
對曰陳恒欲其君民之不與者半以魯之衆加齊之半可克也公  
曰子告季孫孔子辭退而告人曰以吾從大夫之後也故不敢不  
言

測兩言從大夫之後不敢不告見無君之賊臣子所共誅即去  
位猶然而況見居其職沐浴一告雖於齊事無濟亦足奪三家  
之譏矣此種道理真不可不存於天下明知其不行而不容已  
演齊陳恒弑簡公孔子沐浴了去朝告於哀公說陳恒弑了他  
的君罪逆重大請興兵去討他公說這個事我難主張你說向  
三子道孔子退去說凡事君的都容不得這逆賊以我曾從大  
夫的後不敢不上告也吾君乃不自做主說告夫三子者然君  
命不可違只得往見三子告與他都道不可孔子當面說凡做

官的都容不得這逆賊以我曾從大夫的役不敢不來告也。  
蓋施惟中間哀公卽從夫子而三家不允將奈之何答曰哀公  
若從夫子之請召三子儼然以大義命之又得夫子說於其間  
三子亦不敢不從曰既從之後事勢更當如何曰觀左傳所載  
魯衆齊半之說則夫子已有成算胸中伐齊必可得志陳恒旣  
誅然後請於天子置君而去之則魯必奉天子之命爲諸侯長  
以專征伐三家卽有跋扈之謀不攻自破矣此正與魯一大機  
會惜乎失之

子路問事君子曰勿欺也而犯之

測凡人臣事君不獨自私自利爲欺卽成心難化識見未真反

之本心。焉能自慊。子路不知爲知。尚坐此病。故以勿欺告之。犯與順對。君可我不。不與他相順。俱是犯。此雖子路所易。而跡其不諫。黜吏之伐。則亦未盡優爲者。然犯字下得狠。疑或有爲而發者耳。

〔演〕子路問事君。夫子說對君不要強。不知爲知。把自心欺昧。而又遇事。學不畏避。苦口去觸犯他。

〔商〕

子曰君子上達。小人下達。

〔訓〕達者。足此通彼之謂。上達。下達。各就所向。一層一層達去。蓋造詣全在工夫。分是達之。終而一。則緣著信。以至美大。

神只管從上達。是小人路頭的人。則縣幾希。以至達禽獸不遠。只管從下達。兩者俱處於急流難返之勢。故上達如登九層之臺。上一級更有一級光景。把前面的盡覺不足。觀必直詣其巔。後已下達如下臺然。一級又落一級。只因從上者矜持從下者放肆。必直至平地而始快。

〔演〕夫子說君子人品向上一步步達去。小人人品向下一步步達去。路頭一分。自是住脚不得。

〔直〕

子曰古之學者爲己。今之學者爲人。

〔測〕要看學者二字。乃是做功夫的人。若已造成。則成己必該成。



物而方做功夫時。却專在自已爲已者。於自身上搜尋病痛。缺失。併力去修治。只爲着自已。那有餘功向人爲人者。自已方要用功。却又替人算計。那個做得不停當。那個該怎麼樣做。爲了別人。拋却自家本業。古今人用功之不同如此。

〔演〕夫子說古時的學者做功夫。只在身上尋討爲着自已。今時的學者做功夫。只在人上搜求爲着別人。

〔商〕柴世基問。古人爲學。只有生熟不同。決無初終異路。觀大學始願。卽欲明明德於天下。何爲初學時。卑是爲已。答曰。明提出學者二字。所以說是用功的人。蓋爲學是功夫。發願是志向。若論志向。則隱居便須求志。而不得作自了漢。又該轉一語云。古

之學者爲人。今之學者爲己。

蘧伯玉使人於孔子。孔子與之坐而問焉。曰：夫子何爲對？曰：夫子

欲寡其過而未能也。使者出。子曰：使乎！使乎！

何註曰：伯玉衛大夫蘧瑗。

○測欲寡其過而未能。形狀他心下反躬自治。惟日孜孜之意。口中如畫。此真無愧於使者。故夫子稱之。

○演蘧伯玉使人到於孔子處。孔子與他坐了。問說：近日夫子怎麼作爲對說？夫子一心只要寡少自己的過失。日逐簡點。而未能得也。使者出去了。夫子稱說：這使人會道主人心事。真是個使乎。是個使乎。

○商

曾子曰君子思不出其位

○**測**思字屬着位字乃是料事之思凡位之所值如子臣弟友富貴貧賤夷狄患難隨處自有當做的事應該思想舍此而思於位外便是坐馳妄想君子自必無此此卽素位不顧外之意就處境上論者若論窮理則天地古今皆我分內又焉可不思

○**選**曾子說君子思想只在本分內經營不出他所居的地位

○**商**

子曰君子耻其言而過其行

○**測**耻言過行不止要言行相顧乃故爲抑揚矯輕警惰之意言易失之有餘凡屬口頭的言語容易空說過視他爲可羞耻的

行易失之不足。凡做事要比言過頭一步。如此兩下低昂。方纔扯得個直。

① 夫子說君子恐怕言易有餘。行趕不上。常羞耻其言語。而又過分其行事。故意把兩下矯將轉來。

②

子曰君子道者三。我無能焉。仁者不憂。知者不惑。勇者不懼。子貢曰。夫子自道也。

③ 不憂不惑不懼。乃是仁知勇實受用處。若只虛裝其迹。未見爲難。惟實體到心上受用。真覺難到。故嘆以爲未能。而歷數言之。自道之道。訓言。夫子大而化之。卽欲舉一善以自名。不可得。

故謂其自言如此。非謙辭之說。上論以知爲先。如自明誠。此處以仁爲先。如自誠明。然只就所得力處。各分舉之。實無相較之意也。

○涵夫子說。君子的道有三件。我都不會得。仁的人。心下快活。沒有憂愁。知的人。心下明白。沒有疑惑。勇的人。心下果敢。沒有恐懼。各有個實受用處。不容易到了。真說夫子原不自覺其有這正是自己所說也。

○兩陳周臣問。自道既謂自言。何謂非謙辭。答曰。知仁勇雖同。而所以處之者各異。有而自信者。賢人也。有而不居者。大賢也。化而不有者。聖人也。謙乃有而不居。而夫子則已化而不有。故不

得謂之謙

子貢方人子曰賜也賢乎哉夫我則不暇

〔測〕比方人物乃知人之事必造詣已到者方能而賜未暇及此故以賜賢我不暇反其諷以規之

〔測〕子貢去比方人夫子說賜也想是自治已完其賢乎哉夫我則自己還照管不及沒有這等閒暇

〔商〕

子曰不患人之不已知患其不能也

〔測〕患不已知乃是要人知其所能能者可知之實也

〔測〕夫子說不愁人不曉得我的能幹只愁我沒有能幹好把人

曉得也。

商吳德鑑問此與不患人之不知患不知人也固迥然不同。至如不思莫已知求爲可知也是彼要求可知而此只要求能。君子病無能焉。不病人之不知也是彼以發明君子心事而此只泛論似各各有異。答曰是。

子曰不逆詐不億不信抑亦先覺者是賢乎

○朱註曰逆未至而迎之也億未見而意

測亦者彼固然而此亦然正暗對着億逆的人先覺者詐與不信將來而先識之也。蓋逆詐億不信的因會覺得却不足貴。惟不逆詐不億不信抑亦能先覺方爲難事。是必其心體預養於

平時能寂然不動。感而遂通。非天下之至神。其孰能與於此。故嘆以爲賢。

漢夫子說不逆探人的欺詐。不億度人的不信諒。本易被人哄去。倒也會得預先知覺。這纔爲難能。乃是賢乎。

商洪嗣彥問。時說謂先覺全繇不逆不億。靜以待動。故能預先覺得。答曰。世間不逆不億的。被人欺詐儘多。怎見便能先覺。且抑亦字。乃反上之語。如何作一直相承解。此只爲要討先覺的緣故。泥定本文去求。不知繇不逆不億而得先覺。題意反說死了。惟不逆不億而倒會先覺。其能覺之妙。虛虛含在言外。更可想像。標指見月。癡人前。怎可道得。



微生畝謂孔子曰丘何爲是栖栖者與無乃爲佞乎孔子曰非敢爲佞也疾固也

〔測〕丘字宜讀乃呼其名而提醒之。栖栖如鳥之於木依棲不舍。佞者一味要騙人喜悅。除是小人之尤。全不顧名義者方敢爲此。故以爲非敢。若固則牢牢守著自己。要討個乾淨不肯稍加變通。以爲天下這等的人。也不出自私自利。窠窟中心腸最爲可惡。疾者惡之之辭也。

〔源〕微生畝對孔子說丘何爲是這等栖栖不舍呢。無乃爲媚人的佞麼。孔子說非敢沒忌憚。做媚人的佞也。乃怪那不肯圓通濟世。自守牢固的人也。教我怎做得他來。

商

子曰騏不稱其力稱其德也

○測提起一騏而云稱與不稱者正稱其爲騏也。凡馬卽有力亦是貴然不稱爲騏既謂之騏便一出空群雖德力並有而所稱只在德不在力。如人而稱爲君子亦雖是才德俱有然只道他心地好不道他才調高力是走得路遠德是走得馴良。

○演天子說馬裡面有稱爲騏的雖是德與才都有却不稱他走得遠的力乃稱他走得好的德也。

商

或曰以德報怨何如子曰何以報德以直報怨以德報德

淵或人見當時冤冤相報。無有已時。欲以德報怨。使怨自我消。乃以厚道風世之意。道若直說他不是。畢竟折服不倒。故詰他何以報德。若把德報怨。又把德報德。是怨德相等。欲厚而反失之薄矣。兩下須要有個分寸。以直報者。無怨的如此待他。有怨的亦如此待他。一味只是個公直報字。乃承上報字文法來。非欲其必報也。若有德於我的。報他須要加厚。彌縫其失。匡救其苗。凡可爲他。必無不盡之心力。此蓋怨欲其忘。而德欲其不忘也。報施得當。正是平等處。

〔演〕或人說。把恩德去報那仇怨。這等待人怎麼。夫子說這圓好。但把甚麼去報德。德畢竟難同於怨。有怨的該忘。只把公直去

報仇怨有德的不可忘。還把恩德去報恩德。

〔面〕留大廷問怨如君父之仇不共戴天如何可以不報。或謂該報者報之。卽是以直。似有理。答曰。如此該說以怨報怨。直字終解不去。且論事只道其常。君父之仇非所常有。如何執此一端以概君子平日之宅心。

子曰莫我知也。夫子貢曰何爲其莫知子也。子曰不怨天不尤人下學而上達。知我者其天乎。

〔測〕夫子說莫我知是他心下自有獨知之契所在。没人曉得。故爲此嘆以發子貢之問。從不怨天不尤人說到下學者。凡學者怨尤之念打不過。必不能於闇脩着力也。下學乃不在高明而

在卑下處。於日用常行之中。做反躬切己的學問。上卽指天。縣近自微功夫。微無聲無臭之天。藏達者。足此通彼。下學做得盡。自然通徹上去。如舉火者。但下面加薪。則火自上炎。此卽夫子知天命時事也。惟我能達於他。所以他能曉得我。知我者其天乎。此乎字。詞雖婉而實決。人果信得有天在。則昊天曰明及爾出王。一舉一動。俱可自信。方能不怨尤。方能下學。若不信此。便隱微中。必多瞞昧。而向人耳目。前爲鋪張矣。此正學問誠僞一大關頭。故夫子欲發此。而先不免有莫知之嘆。然非子貢亦未足以語此也。

〔演〕天子說我心下的事。沒有人曉得我也。夫子貢問說。怎麼作

爲沒有人曉得夫子呢。夫子說：『沒人知我也，不怨着天，也不尤着人。』只是從卑下處做開脩的學問，却自然向上通達於天，曉得我的，其惟獨這鑒臨的天乎？

〔商〕余應桂問：『知天既是誠，爲大闢初學，卽須識此方，不錯路頭。何爲獨發之？』子貢答曰：『人見不及此，而與之言天，知必以爲荒唐。豈獨當時卽千百年來，言及天，皆以一理字抹過，而茫然不知有鑒臨我者？惟子貢能聞性與天道，故特爲此指示。』○俞忠宸問：『知我其天，論語氣還作想像，庶於其字乎？』字貼答曰：『如首章，不亦悅乎？豈夫子不真見所悅，而爲此想像？蓋詞婉而意實，切要須意既善會，詞又不傷，乃爲雙美。』

公伯寮愬子路於季孫子服景伯以告曰夫子固有惑志於公伯寮吾力猶能肆諸市朝子曰道之將行也與命也道之將廢也與

命也公伯寮其如命何

○註疏曰景伯魯大夫子服何夫子謂季孫有罪既刑陳其尸曰肆

測子服景伯將一身之進退歸罪於人夫子把這都畧過却換個道之興廢委命於天可見士君子進退上關天意全不爲我一身則得失毀譽俱可置之度外矣

演公伯寮控愬子路於季孫處子服景伯把來告向夫子說季孫固有疑惑心志於公伯寮的言語我的力量還會把他陳尸於市朝夫子說你道公伯寮便會愬得道之將通行也與乃是上天的命也道之將廢也與亦是上天的命也有這樣大主

張的所在。公伯寮怎奈得天命何。

〔直〕王元懋問子路才非王佐。且仕於季氏一家臣耳。夫子何意以道之興廢爲言。齊氏謂孔子爲政於魯。大率欲裁季氏之僭。而勇於承令。以出藏甲墮郈費者。子路也。公伯寮愬子路。固將假此以阻孔子。故孔子有吾道興廢之說。答曰。君子之仕。原以行道。卽些小出處。無非與道相關。是何等大樣。而乃作此小見。子曰。賢者辟世。其次辟地。其次辟色。其次辟言。

〔測〕賢者是有德而隱的。直貫至下。雖連說幾個。其次乃因所避之有寬嚴。非人品有優劣也。

〔演〕天子說有德的賢者。有避盡一世的。固是避得極嚴了。其次



則避危亂的地方。其次則避怠慢的顏色。其次則避不合的言語。也各有不等。

商

子曰作者七人矣

〔測〕作乃聖人興起於世者。七人疑堯舜禹湯文武周公矣。字有其人已往不可復作之意。此承上章賢者避世說來。蓋嘆聖王不作而賢人避世。所謂神農虞夏忽焉沒兮。我安適歸矣者也。

〔演〕夫子說作起於世爲人瞻仰的。已是七個人過去了。

〔商〕金鉉問作字謂隱去聲。與上章有情。答曰作訓隱有何可據。聖人作而萬物睹。賢聖之君六七作。皆以聖人之興爲言。

子路宿於石門。晨門曰：奚自？子路曰：自孔氏。曰：是知其不可而爲之者與？  
○那曉得石門地名晨門。掌晨昏開閉門者謂之晨門也。

〔測〕晨門之言似近於譏。然而道夫子心事則極切。蓋賢人一見世道不可爲，便欲手遠去。唯聖人於天下如慈父遇子之疾，明知必不可療，決不忍不投以藥，而坐聽其亡。故曰天下有道，丘不與易也。夫子行徑，端不外此。

〔演〕子路從夫子周流，歇宿於石門地方。管晨門的問說：子來何所從？子路說：從繇孔氏。晨門說：這就是那曉得時勢決不可做，還不肯放下，畢竟要去做麼？

〔商〕

子擊磬於術有荷蕢而過孔氏之門者曰有心哉擊磬乎既而曰  
鄙哉硜硜乎莫已知也斯已而已矣深則厲淺則揭子曰果哉末  
之難矣○○那說曰荷擔揭也蕢草器也深則厲淺則揭衛風有  
苦葉詩以衣涉水爲厲滿掉也揭揭衣褰裳也未無也

測有心是驟然聽得不覺悸動道他有些心事還不知爲着甚  
麼及傾聽一回方知端的乃是爲川世故既而以硜硜譏之斯  
已是因没人曉得我就止而不爲而已矣者一了百了再無粘  
帶也厲是用衣涉水揭是揭起其衣涉水比涉世要曉得淺深  
不可冒進果哉者一刀兩斷撒手得快這只是看着世間風色  
好做方做不好做便休有甚煩難反此可見夫子只爲不肯拋  
撇世人故費了無限心力受了無限劬勞真是獨爲其難者而

一腔心事誰人曉得。

○漁夫子擊磬於衛地。有擔荷草蕘過孔氏之門的。卒然聽得。嘆說有心事哉。是這個擊磬乎。既而仔細聽來。嘆說却緣來爲休歇不得。鄙陋哉。硜硜膠固乎。沒有人曉得我也。即便止住罷了。詩裡說水深則厲。把衣去涉。水淺則揭。攝衣去涉。涉世也。須要度量個深淺。夫子說把世間一丟便了。真果決哉。只是這般放得下。也沒甚麼煩難矣。

○

子張曰書云高宗諒陰三年不言。何謂也。子曰何必高宗。古之人皆然。君薨百官總已。以聽於冢宰三年。

○邢疏曰書周書無逸篇文高宗殷王武丁也。諒信

也陰然也謂信任冢宰然而不言也禮記作諱聞鄭玄以爲凶禮冢大也

潮聽於冢宰三年。邢疏謂卒哭除服之後三年心喪已畢然後王自聽政也。知非哀麻三年者。益據晉書杜預之說。果如杜說則既無大臣竊柄之嫌。又無以日易月之謬。並爲得宜。惜後世無識此者。

漢子張說書云高宗居喪。諒陰三年內竝不言說。爲君的那得不言。這是怎麼解說。夫子說何必高宗。古時的人皆是這等君薨了。嗣君不自聽政。百官都總攝自己職分。以聽命於冢宰三年。不須君自說得。

商

晉書杜預傳曰太始十年元皇后崩依漢魏舊制既葬而及群臣皆除服疑皇太子亦應除否詔諸尚書會僕射議欲去之唯預以爲古者天子諸侯三年之喪始服齊斬既葬除喪服諒闕以居心喪終制不與上廢河禮於是庶欲罷計問預証據預曰春秋晉侯享諸侯子產相鄭伯時簡公未葬請免喪以聽命君子謂之得禮宰桓歸惠公仲子之期傳曰事生不及哀此皆既葬除服諒除之証也書傳之說既多學者未之思耳喪服諸侯爲天子亦斬衰置可謂終服三年也預亦作議曰周景王有后世子之喪既葬除喪而晏樂晉叔向譏之曰三年之喪雖貴達服禮也王雖不達要樂以居此亦天子喪事見於古也相高宗不言喪服三年而云諒除三年此釋服心喪之文也議景王不諒其除喪而議其易祭服則既葬應除而遠諒闕之節也堯喪舜諒除三年故稱過客八音由此言之天子居喪齊斬之制非杖經帶當遂其服既葬而除諒闕以終之三年無改於父之道故曰百官總已以聽冢宰喪服既除故更稱不言之美明不復寢苦枕由以荒大政也議奏皇太子遂除衰麻而諒闕喪終

子曰上好禮則民易使也

測禮以辨上下定民志上之使下下之事上皆不外此惟只在

禮文上鋪排。所以不能動人。若上能好禮。原出於中心之樂爲。則下必易使。亦出於中心之從順精神相感。不容爽者。

演夫子說爲君上的。若能喜好着定分的禮。使民都感動依禮奉行。容易使令也。

商

子路問君子。子曰脩己以敬。曰如斯而已乎。曰脩己以安人。曰如斯而已乎。曰脩己以安百姓。脩己以安百姓。堯舜其猶病諸。

測己有耳目口鼻四肢。便有聲色臭味。安佚終日馳逐不休。纔放下。又却皆沉去。把這己都弄壞了。故須要修。然去修整他。把箇甚麼。乃以敬常提儆。若思一段光景爲主於內。既不使昏沉。

又不使放逸。則非僻無繇干。而養成此精明之體。已方絕修整。得停當。此學者提宗之一法也。然這箇敬。若只了得自己。無與於人。乃是箇小人儒。焉得爲君子。故子路似叩之。而夫子爲發其蘊。已與人境界原相對待。功夫又相合。一如已在家。則與一家之人相對。已。在國。與天下之人相對。已。在深山靜養。亦必有一二伴侶。決無閉門塞竅。而獨處於一室者。已之所行。卽是人之所受。更無兩截。又我修己。是這箇敬人。與百姓各各修己。亦只是這箇敬。雖功夫在人自造。而所以感通則效。總不外此。已爲式樣。故修己者。卽可以之安人。以之安百姓。至於人與百姓之不同者。乃所值之境。有廣狹。非已有異修也。



去修己固能安百姓。而要以百姓至繁寧保無一夫之失所。堯舜在上。猶有其咨。以此爲病。可見安百姓更無着手處。功夫只在修己。語意仍打轉到己上。

顏子路問君子。夫子說君子修整自己。不可待他昏散。把箇主一的敬。子路說只是這樣就罷了。夫子說這箇修己方法。處置人也在裡面。就把去安人。子路說只是這樣就罷了。夫子說這箇修己方法。處置百姓也在裡面。就把去安百姓。若修己就去安百姓。便是堯舜也。道做不盡。還以爲病痛。豈是容易的。

商程遠猷問堯舜猶病。畢竟是安百姓的事。做不盡。抑只是心上。猶以爲歎。答曰。心與事無兩般。古聖人在上。豈徒使百姓有

所教養而止。必欲人人俱爲聖賢與我一樣。唐虞之世。雖云戶  
成可封。亦有五品未遷。堯舜之心。如何懶得。惟安百姓之事。難  
了。而安百姓之念。亦與之俱不了。所以爲聖人無息之心。然事  
雖未竟。而心則無虧矣。方如曠曰。然則時解謂堯舜猶病。正是  
堯舜敬修處。似亦是曰。理雖是。而以貼本文語意。却費轉折。猶  
病。只証安百姓之難。要歸其功於修已。

原壤夷俟。子曰。幼而不孫。弟長而無述焉。老而不死。是爲賊以杖。

叩其脛。

○邢疏曰。原壤。孔子故舊。夷。踞也。俟。待也。乃申兩足。其

謂原壤蹲踞相待。是以放蕩狎夫子的禮法。夫子責他。辭雖嚴。

正。而以杖叩脛。亦以狎行其教誨。

顏原壤踞待夫子。夫子說：「幼小不遜順，長大沒有可傳述，年老又不死，這是蠹害世間的賊。」因把所執杖叩擊他足脛，使他曉得警醒。

商

問黨童子將命，或問之曰：「益者。」與子曰：「吾見其居於位也，見其與先生並行也，非求益者也，欲速成者也。」

「測益者與」，直指童子問他是「簡求益」的否。古人席地而坐，童子侍立於傍，不命之坐，不坐。今他自己居於上位了，先生乃年長於我者，童子當隨行。今他竟與先生並行了，故說他不是求益成者，欲成就其年長之模樣而學問亦在其中也。

夏闕黨童子傳賓主的辭命或問說童子將命乃是要學些禮體求進益的麼。夫子說我見他自己居於坐位見他與年長的先生一並行走。這不是求進益的。乃是要急速成就的。

商